



MILLIY TIKLANISH

7 (276) ● 2014 йил 19 февраль, чоршанба ● Ўзбекистон "Миллий тикланиш" демократик партиясининг ижтимоий-сиёсий газетаси

ЎзМТДП — www.mt.uz Тахририят — www.milliytiklanish.uz

2008 йил 30 октябрдан чиқа бошлаган

Истиқлол шарофати билан Заҳриддин Муҳаммад Бобур сиймосини улуғлаш, унинг илмий-бадиий меросини чуқур ўрганиш, ёш авлод вакиллари асарлари мазмун-моҳияти билан яқиндан таништириш борасида кенг кўламли ишлар амалга оширилмоқда



Президентимиз раҳнамолигида оналик ва болаликни муҳофаза қилиш, соғлом турмуш тарзини қарор топтириш, ҳар томонлама соғлом авлодни вояга етказиш масалаларига устувор аҳамият қаратилмоқда



Бразилия миллий конгресси — парламент икки палатадан иборат. 30 га яқин етакчи партиялар мамлакат ижтимоий, сиёсий, иқтисодий ва маданий ҳаётида фаол иштирок этиб келаётир



3 ПАРТИЯ ҲАЁТИ

Хабарлар

Семинар-тренинг

Республикада Европа Иттифоқининг Институционал ривожлантириш ва ҳамкорлик дастури доирасида махсус лойиҳа амалга оширилмоқда.

Тошкент шаҳрида февраль кунлари лойиҳанинг миллий ҳамкори бўлиши Ўзбекистон Хотин-қизлар кўмитаси томонидан илк бор "Нодавлат нотижорат ташкилотлари самарали бошқариш" мавзусида дастлабки семинар-тренинг ўтказилди. Мазкур семинар-тренингда иштирок этиш учун маълум ҳудудлардаги маҳалла, хотин-қизлар кўмиталари ва бошқа ташкилотларнинг 25 нафар вакили иштирок этди. Семинар-тренингни ўтказишдан асосий мақсад аёлларнинг ижтимоий фаоллигини ошириш, маҳаллаларда "Ахборот ойнаси"ни ташкил этиш, аҳолига тадбиркорлик асослари ва микрокредитлаштириш борасида ахборот бериш ҳамда таълим хизматларини кўрсатиш бўйича тренерлар тайёрлашдан иборат.

Битирувчилар ишли бўлди

Самарқанд шаҳар ҳокимлиги томонидан ташкил этилган тадбирда ёшлар бандлигини таъминлаш масаласи муҳокама этилди.

Жорий ўқув йилида Самарқанд шаҳридаги 27 та касб-хунар коллежини 12 401 нафар битирувчи битиради. Уларнинг бандлигини таъминлаш мақсадида шаҳар ҳокимлиги томонидан қатор ишлар олиб борилмоқда. Жумладан, уч томонлама шартномалар асосида уларни ишли қилиш мақсадида иш берувчи корхона-ташкilotлар билан шартномалар тузилапти. Тадбир сўнггида иш билан таъминлаш кафолати ҳисобланган шартнома-сертификатлари Самарқанд педагогика коллежининг 47 нафар, Самарқанд санъат коллежининг 17 нафар битирувчиларига тантанали равишда топширилди.

Маънавий баркамол ёшлар — мамлакат келажаги

Бўстонлик туманида "Замонавий ёшларнинг қийиниш ва муомала маданияти" мавзусида давра суҳбати ўтказилди.

Унда Республика "Оила" илмий амалий маркази вилоят бўлими, Бўстонлик тумани тиббиёт бирлашмаси, туман ФХДБ бўлими вакиллари тақлиф этилди. Тадбирда сўзга чиққанлар ёшларни гоёвий-мафқуравий таҳдидлардан ҳимоялаш, улар ўртасида ҳуқуқбузарлик ва жиноятчиликнинг олдини олиш, навқирон авлоднинг сиёсий ва ҳуқуқий билимини юксалтириш, дунёқарашини бойитишда "оила-маҳалла-таълим муассасаси" ҳамкорлигини мустаҳкамлаш долзарб аҳамиятга эга эканини алоҳида қайд этилди. Тадбир давомида "Сиҳат-саломатлик", "Одамга либос - зийнат", "Муомала маданияти", "Хунари борнинг зари бор", "Аёлларнинг бамиятдаги ўрни" мавзусидаги бадиий чиқишлар йиғилганлар эътиборига ҳавола этилди.

5 МАЪНАВИЯТ

Фракция ҳаёти

Ўзбекистон «Миллий тикланиш» демократик партиясининг Олий Мажлис Қонунчилик палатасидаги фракцияси йиғилишида қўйи палата мажлиси муҳокамасига киритилиши режалаштирилган бир қатор қонун лойиҳалари муҳокама қилинди. Унда фракция аъзолари, вазирлик ва ташкилотлар раҳбарлари, экспертлар, мутахассислар ҳамда оммавий ахборот воситалари вакиллари иштирок этилди.



Партиянинг дастурий вазифалари

ижросини таъминлашда ҳуқуқий асос бўладиган қонун лойиҳалари муҳокама қилинди

Фракция аъзолари дастлаб, учинчи ўқишга тайёрланган "Акциядорлик жамиятлари ва акциядорларнинг ҳуқуқларини ҳимоя қилиш тўғрисида"ги Ўзбекистон Республикаси Қонунига ўзгартиш ва қўшимчалар киритиш ҳақида"ги қонун лойиҳасини муҳокама қилишди. Эътироф этилганидек, парламент палаталари қўшма мажлисида Юртбошимиз томонидан тақдим этилган "Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепцияси"да демократик бозор ислохотларини янада чуқурлаштириш ва иқтисодий эркинлаштиришга қаратилган қатор қонунчилик ташаббуслари илгари сурилди. Бунда асосий эътибор бозор муносабатларини тўла таъминлаш, яъни мулк муносабатларини янада такомиллаштириш ва хусусий мулк манфаатларини ҳимоя қилиш, ҳўжалик юритувчи субъектлар, айниқса, кичик бизнес ва хусусий тадбиркорлик субъектлари эркинлигини кафолатлаш, рақобат муҳитини яхшилаш ва бозор инфратузилмасини янада ривожлантиришга қаратилди.



2-бет

2-бет

Бир қарорда икки масала

акс этиши партия гуруҳи масъулиятини янада оширади

Бугун юртимизнинг қайси ўшасига борманг, бунёдкорлик, янгилаш ва тараққиётни кузатасиз. Барча соҳаларда кечаятган илмий ислохотлар самараси ўлароқ, шаҳару қишлоқлар қиёфаси тубдан ўзгариб, обод манзилларнинг сони ортиб бормоқда. Айниқса, истиқлол туфайли аждодларимиздан қолган бой маънавий ҳамда маданий меросни асраб-авайлаш ва қайта тиклашга алоҳида эътибор қаратилмоқда. Мозий синоатларига гувоҳ бўлган тарихий обидалар, қадимий қадимжолар ва зиёратгоҳлар ободонлаштирилиб, нафаткор юртдошларимиз, балки хорижий сайёҳларнинг ҳам эътиборини тортмоқда. Туризм соҳаси миллий иқтисодийнинг таркибий қисми сифатида мамлакатимизни янада ривожлантиришга хизмат қилмоқда.

Таъкидлаш жоизки, республикада ҳудудда тўрт мингдан ортиқ турли давр цивилизацияларининг меъморилик ва санъат ёдгорликлари мавжуд бўлиб, шундан 140 таси ЮНЕСКО томонидан қўриқланадиган тарихий обидалар рўйхатига киритилган. Улар сирасига Самарқанд, Бухоро, Хива ва Шаҳрисабз шаҳарлари

билан бирга бошқа вилоят ва шаҳарларимиздаги қадимий ёдгорликлар ҳамда муқаддас қадамжолар қиради.

Наманган вилояти ҳам ўзига хос тарихий аҳамиятга эга бўлган гўша саналади. Вилоятнинг сўлим туманларидан бири Чортоқда истиқлол йилларида қатор бунёдкорлик ишлари амалга оширилди. Айни

пайтда туманда Президентимизнинг "2012-2016 йилларда Ўзбекистон Республикасида хизмат кўрсатиш соҳасини ривожлантириш Дастури тўғрисида"ги ҳамда Ўзбекистон Республикаси Вазирлар Маҳкамасининг "Ўзбекистон Республикасида туризм соҳасини янада қўллаб-қувватлаш ва ривожлантириш чора-тадбирлари тўғрисида"ги қарорларининг ижросини таъминлаш борасида муайян саъй-ҳаракатлар амалга оширилаётир.

Халқимизнинг маданий, тарихий ёдгорликларини кўз қорачиғидек асраш, уларни келгуси авлодларга бус-бутун етказиш борасидаги амалий ишларга ҳар томонлама қўмаклашишни дастурий вазифалардан бири деб билган Ўзбекистон "Миллий тикланиш" демократик партияси бу борада турли ташаббусларни илгари сурмоқда.

4-бет

7 ХАЛҚАРО ҲАЁТ

Боқий мерос

Аждодлар меросига эҳтиром

туйғуси кучаймоқда

Шу кунларда халқимиз маънавий дунёсининг шаклланишига ўзининг беқиёс ҳиссасини қўшган шоир ва давлат арбоби Заҳриддин Муҳаммад Бобур ижодини чуқур ўрганиш ва уни ёшлар ўртасида кенг тарғиб қилиш орқали уларни ватанпарварлик, миллий гоёга содиқлик руҳида тарбиялаш, ёш авлодни миллий маънавий-тарихий қадриятларимизга ҳурмат руҳида ва ўтмиш меросимизнинг ҳақиқий билимдони, замонавий билимлар эгаси қилиб тарбиялашга қўмаклашиш мақсадида ЎзМТДПнинг турли даражадаги ташкилотларида маънавий-маърифий тадбир, давра суҳбатлари ташкил этилмоқда.

Ўзбекистон "Миллий тикланиш" демократик партияси Марказий Кенгаши Ижроия Кўмитаси, Олий Мажлис Қонунчилик палатасидаги фракцияси ҳамда ЎзР ФА Темурийлар тарихи давлат музейи ҳамкорлигида ўтказилган давра суҳбати мумтоз шоир ва давлат арбоби Заҳриддин Муҳаммад Бобур таваллудининг 531 йиллигига бағишланди. "Бобур ва бобурийларнинг ўлмас маънавий мероси" мавзусидаги тадбирда ЎзМТДП Марказий Кенгаши ва Олий Мажлис Қонунчилик палатасидаги фракцияси аъзолари, ЎзМТДП Тошкент шаҳар Кенгаши фаоллари, "Аёллар қаноти" ва "Ёшлар қаноти" етакчилари, Темурийлар тарихи давлат музейи ходимлари, шоир ва ёзувчилар,

адабиётшунос ва бобуршунос олимлар, ёш ижодкорлар ҳамда ёшлар иштирок этди.

Тадбирни ЎзР ФА Темурийлар тарихи давлат музейи директори Нозим Хабибуллаев кириш сўзи билан очиб, истиқлол йилларида буюк аждодларимиз номини қайта тиклаш, улар яратган асарларни тадқиқ этиш, чуқур ўрганиш ва келажак авлодларга бус-бутун етказиш борасида кенг кўламли амалий саъй-ҳаракатлар олиб борилаётгани, буюк аждодларимиз сиймосига нисбатан ёшларда ҳурмат туйғусини кучайтириш бугунги куннинг долзарб вазифасига айланиб бораётганини эътироф этди.

3-бет

3-бет

Ўзбекистон "Миллий тикланиш" демократик партияси Марказий ҳамда Тошкент вилоят Кенгашилари ташаббуси билан "Ҳудудда ёшлар бандлигини таъминлашда ЎзМТДП олдида турган долзарб вазифалар" мавзусида тадбир ўтказилди.


Ёшлар бандлигини таъминлаш

турмуш фаровонлигини оширишга қўмаклашиш — асосий мақсад

2-бет

"Milliy tiklanish" газетасига обуна бўлинг!

Нашр кўрсаткичи — 158



Фракция ҳаёти

Партиянинг дастурий вазифалари

ижросини таъминлашда ҳуқуқий асос бўладиган қонун лойиҳалари муҳокама қилинди



(Давоми. Боши 1-бетда)

Фракция аъзолари таъкидлашганидек, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳаси мамлакатимизда корпоратив бошқарувни ривожлантириш ва мулкий муносабатларни такомиллаштиришга хизмат қилади. Қонун лойиҳасида амалдаги қонун нормаларини аниқлаштириш асосида республикада корпоратив бошқарув тизимини янада ривожлантириш, акциядорларнинг, жумладан, миноритар акциядорларнинг ҳуқуқий ҳимояланганлигини ошириш, акциядорлик жамиятларининг бошқарув ва назорат органлари ролини кучайтириш, шунингдек, акциядорлар ва потенциал инвесторлар учун акциядорлик жамиятининг фао-

лияти тўғрисидаги ахборотлар ошқоралигини таъминлаш масалалари ўз аксини топган. Муҳокама чоғида сўз олган фракция аъзолари ЎзМТДП дастурий мақсадларидан келиб чиқиб, мазкур қонун лойиҳасини такомиллаштиришга оид фикр-мулоҳаза ва таклифларини билдиришгандан сўнг уни учинчи ўқишда маъқуллади. Фракция йиғилишида «Экологик назорат тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонун лойиҳаси биринчи ўқишда муҳокама қилинди. Маълумки, мамлакатимизда нодавлат нотижорат ташкилотлари, фуқароларнинг ўзини ўзи бошқариш органларининг ҳуқуқ ва ваколатларини кенгайтириш борасида амалга оширилаётган кенг қўламли ислохотлар уларни атроф-муҳитни муҳофаза қилиш,

табиий ресурслардан оқилона фойдаланишнинг бугунги кундаги долзарб масалаларини ҳал этиш жараёнларига ҳамда самарали жамоатчилик экологик назоратини амалга оширишга янада кенгроқ жалб этишга хизмат қилмоқда. Хусусан, бир гуруҳ депутатлар томонидан ишлаб чиқилиб, 2013 йил 28 декабрдан кучга кирган «Экологик назорат тўғрисида»ги Ўзбекистон Республикаси Қонуни атроф-муҳитни муҳофаза қилишни таъминлаш тизимида нодавлат нотижорат ташкилотларнинг роли ва ўрнини белгилашда муҳим аҳамият касб этди.

Қайд этилганидек, Қонунчилик палатаси бир гуруҳ депутатлари томонидан ишлаб чиқилган «Экологик назорат тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонун лойиҳасида амалдаги бир қатор қонунлар ҳамда Ер кодексига ўзгартиш ва қўшимчалар киритиш назарда тутилмоқда. Шунингдек, Ўзбекистон Республикаси Олий Мажлисининг 1996 йил 26 апрелдаги Қарори билан тасдиқланган Ўзбекистон Республикаси Табиати муҳофаза қилиш давлат қўмитаси тўғрисидаги Низомнинг экологик назорат соҳасидаги муносабатларни тартибга солувчи нормаларига ўзгартиш ва қўшимчалар киритиш таклиф этилмоқда.

Йиғилишда муҳокама этилган масалалар юзасидан фракциянинг тегишли қарорлари қабул қилинди.

Ўз мухбиримиз

Абдурашид ТҲУТБАЕВ, ЎзМТДП фракцияси аъзоси:

— Йиғилишда муҳокама қилинган «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳасининг қабул қилиниши ЎзМТДПнинг иқтисодий соҳадаги дастурий мақсадларини амалга оширишда муҳим аҳамият касб этди. Хусусан, партияимиз сайловолди Платформасида белгиланган мамлакатимизда яратилган мақбул инвестиция муҳитининг ҳуқуқий асосларини кучайтириш ва маҳаллий инвесторларнинг манфаатларини ҳимоя қилиш, ҳуқуқий ва иқтисодий воситаларни янада такомиллаштириш орқали маҳаллий ишлаб чиқарувчиларни ҳар томонлама қўллаб-қувватлашга кўмаклашиш каби устувор вазифалар ижросини таъминлашда ҳуқуқий асос бўлади.



Олимжон ОҚИЛОВ, ЎзМТДП фракцияси аъзоси:

— Юртимизда истиқлолнинг илк кунларидан табиий ресурслардан оқилона фойдаланиш ҳамда экологик ҳавфсизликни таъминлаш, жамоатчиликнинг экологик назорат соҳасидаги ҳуқуқий имкониятларини кенгайтиришга алоҳида эътибор қаратилмоқда. Жумладан, бугунги кунга келиб мамлакатимизда атроф-муҳит муҳофазаси билан боғлиқ 20 дан ортиқ қонун ва юзлаб қонунности норматив-ҳуқуқий ҳужжатлар қабул қилинган.

Фракция аъзолари эътиборига биринчи ўқишда ҳавола этилган «Экологик назорат тўғрисида»ги Ўзбекистон Республикаси Қонуни қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш ҳақида»ги қонун лойиҳаси соҳага оид қонунчилик норма ва талаблари ўртасидаги ўзаро номувофиқликларни бартараф этиш, экологик назорат соҳасидаги атама ва тушунчаларнинг ҳуқуқий жиҳатдан бир хилда қўлланилиши ва тартибга солинишини таъминлаш имконини беради. Ушбу қонун лойиҳасининг қабул қилиниши партияимиз сайловолди Платформасида белгиланган мамлакатимиз табиғати, бой табиий ресурсларига нисбатан асраб-авайлаб муносабатда бўлишни, улардан ҳозирги ва келгуси авлодлар манфаатлари йўлида оқилона фойдаланиш таъминлаш борасидаги вазифаларни амалга оширишда ҳуқуқий асос бўлиб хизмат қилади.



Тадбир

Янги авлод

юрт келажаги

ЎзМТДП Урганч туман Кенгаши ташаббуси билан «Ёшларнинг соғлом фикри, қомил инсон бўлиб вояга етишишиларида партиянинг роли» мавзусида тадбир ўтказилди.

Тадбирда партия Хоразм вилоят Кенгаши Ижроия Қўмитаси девони етакчи мутахассиси Р.Қурбонов сўзга чиқиб, жумладан, шундай деди: — Мамлакатимиз тараққиёти йўлида амалга оширилаётган кенг қўламли ислохотлар жараёни барча фуқароларни Ватан келажагига дахлдорлик туйғуси билан яшашга, юрт равнақига ҳисса қўшишга ундамоқда. Бугунги ёшларнинг сиёсий-ҳуқуқий билимларини мустаҳкамлаш, мамлакатимиз ва дунёда юз бераётган ўзгаришлар моҳияти билан таништириш ҳуқуқий демократик давлат ва эркин фуқаролик жамиятини шакллантиришда муҳим аҳамият касб этди. Ушбу жараёнда партия «Ёшлар қаноти» ёш авлод онгига миллий истиқлол гоёсини сингдириш, уларни миллий қадрият ва урф-одатларимизга садоқат руҳида тарбиялаш ҳамда кела-

жамимиз эгаларида фаол фуқаролик позициясини шакллантириш борасида турли маънавий-маърифий тадбирлар, кўрик-танлов ва мусобақалар ўтказиб келмоқда. Бу эса, ўз навбатида, ёш авлод вакилларининг ижтимоий-сиёсий фаоллигини ошириш ҳамда ўз иқтидор ва салоҳиятларини тўла намоеён қилишларида айна мўддао бўлмоқда.

Тадбирда истиқлол йилларида жисмонан ва маънан соғлом авлодни вояга етказишга давлатимиз сиёсатининг устувор йўналиши сифатида эътибор қаратиб келинаётгани таъкидланди. Ушбу жараёнда партиянинг барча даражадаги ташкилотлари, хусусан, «Ёшлар қаноти» фаоллигини янада кучайтириш, ҳудудий Кенгашлардаги партия гуруҳларининг жойларда ёшларга оид давлат сиёсатининг қай даражада амалга оширилаётгани масаласи юзасидан мунтазам жамоатчилик назорати олиб бориши муҳим аҳамиятга эга.

Эътироф этиш лозимки, бугунги глобаллашув жараёнида «оммавий маданият» никоби остида ёшлар маънавиятига салбий таъсир ўтказётган иллатларга лоқайдлик билан қараб бўлмайди. Ёшлар онгига маънавий иммунитетни мустаҳкамлаш, уларни миллий ва умуминсоний қадриятларга содиқ, замонавий билимлар эгаси қилиб тарбиялашда нафақат ота-оналар, балки таълим муассасалари ҳамда жамоатчилик вакиллари ҳам бирдек масъулликни унутмаслик лозим.

Алишер РАҲМОНОВ, ЎзМТДП Хоразм вилоят Кенгаши Ижроия Қўмитаси девони етакчи мутахассиси

Бандлик



Ёшлар бандлигини таъминлаш

турмуш фаровонлигини оширишга кўмаклашиш — асосий мақсад

(Давоми. Боши 1-бетда)

Тадбирни партия Зангиота туман Кенгаши Ижроия Қўмитаси раиси Ҳакима Назарова қириш сўзи билан очиб, мамлакатимизда мустақилликнинг дастлабки йиллариданоқ ёшлар масаласига давлат сиёсатининг устувор йўналиши сифатида алоҳида эътибор қаратиб келинаётгани, бу борада қабул қилинаётган меъёрий ҳуқуқий ҳужжатлар уларнинг замон талаблари даражасида таълим олиб, ўз мутахассисликлари бўйича фаолият кўрсатиб, юксак марраларни забт этишларига асос бўлиб хизмат қилаётганини эътироф этди.

Таъкидланганидек, юртимизда ёшлар бандлигини таъминлаш давлат сиёсатининг устувор йўналишига айланган. Жумладан, ўтган йили мамлакатимизда қарийб 970 минг иш ўрни яратишга эришилди. Бу иш ўринларининг 60,3 фоиздан ортиги қишлоқ жойларида ташкил этилди. Хусусан, 2013 йилнинг ўзида касб-хунар коллежларининг 500 минг нафардан ортиқ битирувчиси иш билан таъминланди, тадбиркорлик билан шу-

ғуланишга қарор қилган қолlej битирувчиларига 140 миллиард сўмдан зиёд имтиёзли микрокредитлар ажратилди.

— Президентимизнинг мамлакатимизни 2013 йилда ижтимоий-иқтисодий ривожлантириш асослари ва 2014 йилга мўлжалланган иқтисодий дастурининг энг муҳим устувор йўналишларига бағишланган Вазирлар Маҳкамасининг мажлисидаги маърузаси мутасадди вазирилик ва идоралар каторида сиёсий партиялар, жумладан, ЎзМТДП ташкилотлари ҳамда барча даражадаги партия гуруҳлари зиммасига катта масъулият юклатди, - деди тадбирда маъруза қилган партия Марказий Кенгаши Ижроия Қўмитаси раиси ўринбосари Арслон Эшмуродов. — Мамлакатимизда амалга оширилаётган ислохотларнинг бугунги босқичи барча даражадаги партия ташкилотлари ва депутатлик бирлашмаларига ўз фаолиятини замон талабларидан келиб чиққан ҳолда қуриб чиқишни талаб қилмоқда. Шу боис халқ вакиллари бўлмиш депутатлар ҳудудларда аҳоли битирувчиси иш билан таъминланди, тадбиркорлик билан шу-

ёшларнинг бандлигини таъминлаш юзасидан аниқ чоралар тадбирлар ишлаб чиқишлари, вилоят ва туман миқёсида қабул қилинган аҳоли бандлиги дастурлари ижросини назорат қилиб боришлари, жойларда оилавий тадбиркорлик, касаначилик ҳамда миллий хунармандчиликни ривожлантиришга кўмаклашиш сингари партия сайловолди Платформасида белгиланган устувор дастурий мақсадлар ижросини таъминлашда фаоллик кўрсатишлари талаб этилади.

Мурод МИРЗАҲАЛИЛОВ, халқ депутати Зангиота туман Кенгашига ЎзМТДПдан сайланган депутат:

— Колlej битирувчиларини ўз мутахассислиги бўйича ишга жойлаштириш ҳамда ёшлар бандлигини таъминлашга эришишда партия ташкилотлари ҳамда партия гуруҳлари фаоллиги муҳим аҳамиятга эга. Бугунги кунда партия туман Кенгашиимизда етти нафар депутатдан иборат партия гуруҳи фаолият кўрсатиб келмоқда. Биз депутатлар зиммамиздаги масъулиятни чуқур ҳис қилиб, ваколатларимиз доирасида битирувчиларни иш билан таъминлашга масъул бўлган идоралар вакиллари билан учрашувлар ўтказиб туришимиз, ишга жойлаштириш борасида ёшларни йўлантираётган масалаларни атрофлича ўрганишимиз, мавжуд муаммо ва масалаларни таҳлил қилиб, уларни бартараф этиш чораларини кўришимиз лозим.

Шаҳзод ҒАҒФОРОВ, «Milliy tiklanish» мухбири

2014 йил — Соғлом бола йили

МУСТАҲКАМ ОИЛА

унда соғлом фарзандлар камол топади

жисмонан соғлом, дунёқарши кенг, яхлит шакланган шахс таркиб топади.

Таъкидлаш жоизки, оила соғломлиги жамият барқарорлигини таъминловчи омил ҳисобланади. Айнан соғлом оиладагина ўзаро ҳурмат, меҳр-оқибат, ҳалоллик, меҳнатсеварлик, инсонпарварлик, ватанпарварлик каби юксак ахлоқий, маънавий сифатлар шаклланади. Уларни авлоддан-авлодга етказишда энг асосий тарбиячи ҳисобланган аёлларнинг билим даражаси, маънавий етуқлиги ва дунёқарши муҳим ўрин тутди.

Маърифатпарвар адиб Маҳмудхўжа Беҳбудий хотин-қизлар ва оиланинг жамият билан боғлиқлигини шундай изоҳлаган эди: «Хотин-қизларни жамиятнинг тўлақонли аъзолари сифатида қабул қилмасдан, оила масаласини тўғри ҳал қилмасдан, ёш авлоднинг тўғри тарбияламасдан туриб, жамиятни ислоҳ қилиш, уни тараққиёт сари йўналтириш мумкин эмас, охир-оқибат миллат тақдири унинг аёллари ва оиласининг ҳолатига боғлиқдир».

Дарҳақиқат, тараққиётнинг бугунги босқичи, юртимиз болаларини жисмонан ва маънан соғлом этиб вояга етказишни талаб қилмоқда. Шу боис, хотин-қизларимиз фарзандларнинг камоли учун ҳам маърифатли, билимли ва албатта, жисмонан соғлом бўлишлари шарт.

Эътироф этиш жоизки, истиқлол йилларида оналар ва болалар саломатлигини муҳофаза қилиш борасида кенг қўламли ишлар амалга оширилмоқда. Болаларни спортга кенг жалб этиш орқали ёш авлод ўртасида соғлом турмуш тарзи аънаваларни қарор топтириш, уларни салбий иллатлар таъсиридан ҳимоя қилиш давлат сиёсатининг устувор йўналишларидан бирига айланди. Бу борадаги саъй-ҳаракатларга ЎзМТДП ҳам муносиб ҳисса қўшишга интилоқда.

Партия сайловолди Платформасида шахсининг шаклланишида оиланинг ўрни ва аҳамияти беқубе эканлигидан келиб чиқиб, оила институти ва унинг қадриятларини мустаҳкамлаш, ҳар жиҳатдан соғлом ва баркамол авлодни тарбиялаш устувор вазифа сифатида белгиланган. Ушбу дастурий мақ-

сад ва вазифаларни ҳаётга татбиқ этиш борасида партия томонидан муайян саъй-ҳаракатлар амалга оширилмоқда.

Жумладан, оналар ва болалар саломатлигини муҳофаза қилиш, репродуктив саломатлигини сақлаш каби партиянинг устувор дастурий мақсад-вазифаларидан келиб чиққан ҳолда партия «Аёллар қаноти» томонидан «Оналик ва болалик — давлат ҳимоясида», «Репродуктив саломатлик», «Соғлом она-соғлом бола» каби мавзуларда давра суҳбатлари ва учрашувлар ўтказилмоқда. Партиянинг «Юксак маънавиятли оила орқали — юксак тараққиёт сари» лойиҳаси доирасида ташкил этилаётган семинар-тренинг, ўқув-машулотлари ва қатор амалий саъй-ҳаракатлари оила маънавиятини юксалтиришда муҳим ўрин тутмоқда. Шунингдек, ёшлар ҳаётида соғлом турмуш тарзини қарор топтириш, улар орасида иқтидорлиларни кашф қилиш, қишлоқ жойлардаги ўсмир қизларни спортга жалб қилиш орқали уларга ўз истеъодларини намоеён қилишлари учун шарт-шароитлар яратиб бериш, ўсиб келаётган ёш авлоднинг соғлом ва баркамол шахс сифатида тарбиялаш мақсадида аънавий тарзда «Миллий тикланиш соврини учун», «Нафосат олами» спорт фестивали ўтказиб келинмоқда. Таъкидлаш лозимки, партия «Аёллар қаноти»нинг ушбу йўналишдаги тарғибот тадбирлари кўлами йилдан-йилга кенгайиб бормоқда. Агар 2012 йилда 130 дан ортиқ тадбир ўтказилган бўлса, 2013 йилда бу кўрсаткич сезиларли даражада ошди ва 200 га яқини ташкил этди.

«Аёллар қаноти» «Соғлом бола йили»да ҳам партия Дастури, сайловолди Платформаси ва «Соғлом бола йили» Давлат Дастурида белгиланган вазифалардан келиб чиққан ҳолда бир қанча янги лойиҳа ва чора-тадбирларни ҳаётга татбиқ этишни асосий мақсадларидан бири сифатида белгилаб олган.

Ойгул БОЙБЕКОВА, ЎзМТДП Марказий Кенгаши Ижроия Қўмитаси девони бош мутахассиси

Боқий мерос



Аждодлар меросига эҳтиром

туйғуси кучаймоқда

(Давоми. Боши 1-бетда)

Давра суҳбатда ЎзМТДП Марказий Кенгаши Ижроия Кўмитаси раиси ўринбосари Жалолиддин Сафоев маъруза қилди.

— Буюк давлат арбоби, шоҳ ва шоир Бобурнинг илмий-адабий мероси бугун халқимизнинг маънавий хазинасига айланди. Истиқлол шарофати билан Захриддин Мухаммад Бобур сиймосини улуглаш, унинг илмий-бадий меросини чуқур ўрганиш, ёш авлод вакиллари асарлари мазмун-моҳияти билан яқиндан таништириш борасида кенг кўламли ишлар амалга оширилмоқда. Халқаро Бобур жамоат фондининг ташкил этилиши ҳамда юрдошларимиз, хорижлик бобуршунос олимларнинг Бобур ҳаёти ва ижодига бағишланган илмий изланишлари буюк аждодимиз сиймосини улуглаш, жаҳонга янада машҳур бўлишига хизмат қилаётир.

Маълумки, бошқа сиёсий партиялардан фарқи ўлароқ, Ўзбекистон «Миллий тикланиш» демократик партияси ўз Дастури ва сайловолди Платформасида белгиланган вазифалар ва партия ғоясидан келиб чиққан ҳолда доимо миллий гуруҳ ва аждодлардан фойдаланиш туйғусини мустақамлаш, халқимизда миллий ўзлини англашни ўстириш ҳамда миллий қадриятларимиз, урф-одат ва анъаналаримиз бардавомлигини сақлаш масалаларига катта эътибор қаратиб келади. Шу нуқтаи назардан жаҳон цивилизацияси тараққиёти ҳамда миллий маданият ва маънавиятимиз ривожига катта ҳисса қўшган Захриддин Мухаммад Бобур илмий-адабий меросини чуқур ўрганиш партиямиз ҳар бир вақилининг вазифасига айланмоғи лозим, - деди нотик.

Дарҳақиқат, Бобур ва бобурийлар-

Иқболой АДИЗОВА, ЎЗМУ ўзбек филологияси факультети доценти:

— Буюк аждодимиз Захриддин Мухаммад Бобур яратган асарлар ҳамма даврларда ҳам инсониятни ўзига ром қилиб, тўлқинлантира олган. Унинг ўлмас мероси ёш авлод вакиллари ватанпарварликка, юрт меҳрини ҳис этишга, меҳр-оқибатли, яхши хулқ-атвор эгаси бўлиб вояга етишга даъват этиб туради. Бугунги кунга қадар унинг «Бобурнома»си ва шеърлар девони турли тилларга таржима қилиниб, буюк аждодимиз ҳаёти ҳамда ижодига бағишланган илмий-оммабоп нашрлар, бадий-адабий асарлар ва монографиялар чоп этилди. 1991 йилда илк бор Бобур ҳақида Пиримкул Қодировнинг «Юлдузли тунлар» романи асосида суратга олинган 10 қисмдан иборат видеофильмнинг суратга олиниши ва у мустақил Ўзбекистоннинг хорижга экспорт қилган дастлабки кино маҳсулоти экани халқимизнинг буюк аждодимиз сиймосига нисбатан чуқур ҳурмат ва эҳтиромини англади.

ЎзМТДП томонидан ташкил этилган давра суҳбатда ёшларнинг Бобур ижодидан ўқиган рубоийларни тинглаб, уларнинг шоир асарларига бўлган қизиқишини кузатиб, буюк аждодимиз сиймоси ва асарлари доимо барҳаётлигига амин бўлди.

Жамшид НОМЗОВ, тадбир иштирокчиси:

— Буюк бобокалонимиз Захриддин Мухаммад Бобур таваллуди ҳар йили юртимизда кенг нишонланади. ЎзМТДП томонидан ўтказилган бугунги тадбир ҳам унинг илмий-адабий мероси билан яқинроқ танишиш, ҳаёти ва ижоди ҳақидаги билимларимизни янада бойитиш имконини берди. Бобуршунос олимлар томонидан тақдим этилган маърузалар бизда яна бир қарра улуг бобокалонимиз сиймосига нисбатан ҳурмат туйғусини уйғотиб, аждодларга муносиб бўлиш масъулиятини юклади.



нинг маънавий мероси бир неча йиллардан буён умуммиллий маданиятни юксалтиришга хизмат қилиб келмоқда. Шоирнинг бой меросида давлат ва уни бошқариш, давлатнинг асосий вазифаси, фуқароларнинг бурчи ва мажбуриятлари, одил судлов ва халқларнинг этнографияси чуқур таҳлил этилган. Бобур асарларида инсон ҳуқуқлари энг олий қадрият сифатида талқин этилган.

Шунингдек, тадбирда бобуршунос олимлар томонидан «Бобурнома» асарига илгари сурилган Ватан туйғуси, миллий қадриятларга содиқлик, баркамол авлод талқини, фаровон турмуш ғоялари каби мавзуларда бир қатор маърузалар қилинди. Бобур ижодидagi холислик ва ҳаққонийлик ғоялари иштирокчилар томонидан эътироф этилди.

Тадбирда таъкидланганидек, Бо-

бур буюк давлат арбоби бўлиш билан бирга шоир сифатида ҳам қадридир. Унинг бадий асарлари нафақат мамлакатимизда, балки бутун дунё халқлари томонидан севиб ўқилади. Биргина «Бобурнома» асарининг ўзи ўттиздан ортиқ тилларга таржима қилинган бунинг яққол далилидир. Бобур ва бобурийлар сулоласига оид бебаҳо манбалар жаҳоннинг етмишдан зиёд музейларида сақланаётгани ҳам эътиборга лойиқ.

Маълумотларга кўра, Бобурнинг бизгача 119 ғазали, 209 рубойиси, 10 дан ортиқ туюқ ва қитъаси, 50 дан ортиқ муаммо ва 60 дан зиёд фардлари етиб келган. Унинг Девонидан умумий ҳажми 270 байтдан иборат 8 маснавий ўрин олган. Андижон шаҳрида Бобур боғи яратилиб, ушбу гўзал масканда «Бобур ва жаҳон маданияти» музейи ҳам барпо этилди.

Тадбир иштирокчилари таъкидланганидек, аждодларимизнинг маънавий меросини ўрганиш ва уларни кенг тарғиб қилишга қаратилган бу каби маънавий-маърифий тадбирларнинг ўтказилиши Ўзбекистон «Миллий тикланиш» демократик партиясининг юксак маънавиятли ва ахлоқли, эркин, масъулиятли, комил инсонни тарбиялашга ҳар томонлама кўмаклашиш, уларнинг қалбида миллий гуруҳ уйғотиш каби дастурий мақсад ва ғояларни амалга оширишга хизмат қилади.

Тадбирда Захриддин Мухаммад Бобур ижодидан намуналар ўқилди. Якунда иштирокчилар Темируйлар тарихи давлат музейига экскурсия қилишди.

Шоҳида ДАМАНОВА,
«Milliy tiklanish» мухбири

Хроника

Аёл, оила ва соғлом авлод

партия туман Кенгаши томонидан ана шундай мавзуда тадбирлар ўтказилмоқда

ФАРФОНА

ЎзМТДП Фарғона вилоят Кенгаши «Аёллар қаноти» ташаббуси билан «Хотин-қизларнинг ижтимоий-сиёсий фаоллиги — жамият тараққиётининг муҳим омилidir» мавзусида давра суҳбати ўтказилди.

Тадбирда сўз олганлар жамиятда хотин-қизлар мавқеини ошириш, аёлларнинг баркамол авлодни тарбиялашдаги ролини кучайтириш ва амалга оширилаётган кенг кўламли ислохотларда янада фаол иштирокини таъминлаш давлатимиз сиёсатининг устувор йўналишларидан бирига айланганини эътироф этишди. Айниқса, Ўзбекистон Республикаси Президентининг 2004 йил 25 майдаги «Ўзбекистон Хотин-қизлар кўмитаси фаолиятини қўллаб-қувватлаш борасидаги қўшимча чора-тадбирлар тўғрисида»ги Фармони хотин-қизларнинг ижтимоий-сиёсий ҳаётида янги бир босқични бошлаб берганлигини алоҳида таъкидлаб ўтишди.

Шунингдек, мамлакатимизда хотин-қизларнинг давлат ва жамиятдаги мавқеи юксалиб бораётгани, аёлларни оилавий тадбиркорлик, касаначилик ва миллий хунармандчилик фаолиятига кенг жалб қилиш борасида партия томонидан олиб борилаётган тадбирлар юзасидан фикр-мулоҳазалар билдирилди.

ТОШКЕНТ ВИЛОЯТИ

Жамиятни модернизация қилиш, кучли фуқаролик жамиятини шакллантириш, маънавий қадриятларни сақлаш ҳамда бойитиш жараёнида фуқароларнинг тўлақонли ва фаол иштирокини таъминлаш бугунги куннинг долзарб вазифаси ҳисобланади. Мамлакатда амалга оширилаётган ислохотларга нисбатан аҳолининг фаол нуктаи-назарини шакллантириш мақсадида партия Оққўрғон туман Кенгаши томонидан муайян ишлар амалга оширилмоқда. «Фуқароларнинг ҳуқуқий маданиятини юксалтиришда сиёсий партияларнинг роли» мавзусидаги тадбирда айни шу масалага эътибор қаратилди.

Таъкидланганидек, фуқароларнинг сиёсий-ҳуқуқий маданиятини юксалтириш, ҳуқуқий саводхонлигини ошириш мақсадида партиянинг худудий Кенгаши томонидан муассаса ва ташкилотлар қошида ташкил этилган куйи бўғинларда ҳуқуқий адабиётлар бурчаклари ташкил этилиб, ёшлар ўртасида «Сиз қонунни биласизми?», «Адолат посбонлари» каби кўрик-танловларнинг ўтказиб келинаётгани ўсиб келаётган ёш авлодининг ҳуқуқий маданияти янада юксалишида муҳим аҳамият касб этмоқда.

САМАРҚАНД

ЎзМТДП Иштихон туман Кенгаши томонидан «Миллатимиз фахри бўлсин қизлар» мавзусида тадбир ўтказилди. Тадбирда партия туман Кенгаши етакчи мутахассиси Мадина Баҳодирова сўзга чиқиб, юртимизда иқтидорли, фаол қизлар адабиёт, маданият, фан ва таълим йўналишларида улкан ютуқларга эришаётгани, айниқса, қизларимиз орасидан халқаро гроссмейстерлар, халқаро тоифадаги спорт усталари, Зулфия номидаги Давлат мукофоти совриндорлари, фан олимпиадаси ғолиблари етишиб чиқаётганини таъкидлади. Таълим муассасаларида ташкил этилган «Ёш оила мактаби», «Оила психологияси», «Соғлом турмуш тарзи» каби махсус курслар, «Ораста қизлар», «Моҳир қўллар» тўғрақлари, «Бали қизлар» кўрик-танловлари қизларни оилага таъйёрлаш, тиббий маданиятни юксалтириш, соғлом турмуш тарзини шакллантиришда муҳим аҳамият касб этмоқда. Шунингдек, тадбирда партия «Аёллар қаноти», «Ёшлар қаноти», бошланғич партия ташкилотлари етакчилари томонидан «Қизларни эрта турмушга беришнинг салбий оқибатлари», «Вояга етмаган қизларнинг шахсий гигиенаси» мавзусидаги маърузалари тақдим этилди.

СУРХОНДАРЁ

ЎзМТДП Сурхондарё вилоят Кенгаши томонидан «Вилоятда туризм соҳасини ривожлантириш ва туристик хизматлар экспортини ошириш» мавзусида давра суҳбати ташкил этилди.

Тадбирни кириш сўзи билан очган ЎзМТДП вилоят Кенгаши Ижроия Кўмитаси раиси ўринбосари, Олий Мажлис Сенати аъзоси Шоҳида Арипова мамлакатимиз туризмни ривожлантириш имкониятлари бўйича Марказий Осиё давлатлари ичида етакчи ҳисобланиши, юртимиз дунё цивилизацияси ўчоқларида бири сифатида ўзининг бой тарихи, маданияти, санъати ҳамда осори-атикалари билан машҳурлиги, қадимдан «Буюк ипақ йўли» чорраҳасида жойлашган савдо-сотик, сайёҳлик, илм-фан каби ижтимоий-иқтисодий алоқалар ривожланган марказ бўлганини таъкидлади.

Бугунги кунда Ўзбекистонда 4 мингдан ортиқ тарихий обида бор. Республика-миздаги қадимий, очiq осмон остидаги 5 та музей ЮНЕСКОнинг моддий ва маънавий объекти рўйхатига киритилган. Сурхондарё вилояти ҳам туризм салоҳияти юқори бўлган вилоятлардан саналади. Воҳода сайёҳларни жалб қиладиган тарихий обидалар, бой тарихга эга бўлган қазилмалар жаҳон маданий меросида муҳим ўрин тутади. Тадбир давомида «Воҳода туристик инфратузилмани ривожлантириш», «Тарихий ва маданий туризмни ўрганиш», «Сурхондарёда сайёҳликни ривожлантирувчи муҳим омиллар» каби мавзуларда маърузалар тингланди.

Тўмарис АбЗАМ,
«Milliy tiklanish» мухбири

Ўзбекистон Республикаси Олий Мажлиси Қонунчилик палатасининг расмий веб-сайти (www.parliament.gov.uz)да ёшлар ўртасида «Парламентаризм билимдони-2014» он-лайн танлови эълон қилинди

Танловнинг асосий шартлари ва талаблари

1. Танлов иштирокчиси — 14 ёшдан 30 ёшгача бўлган ёшлар
2. Танловнинг мақсади — ёшларнинг ҳуқуқий ва сиёсий маданиятини ошириш, улар орасида Конституция ғояларини ва ушбу ғоялар асосида қабул қилинган қонунларнинг мазмун-моҳиятини тарғиб қилишга кўмаклашиш, миллий парламентнинг фаолияти тўғрисида тўлиқ ва ишончли ахборот олишни таъминлашдан иборатдир.
3. Танловда қатнашиш қоидалари — Танловда иштирок этишни хоҳловчилар танлов иштирокчиси сўровномасини тўлдирдишлари лозим. Унда ўзи ҳақидаги маълумотлар (исми-шарифи, туғилган йили, иш ёки ўқиш жойи, яшаш манзили, телефон рақами) кўрсатилади. Танлов иштирокчисининг сўровномаси Қонунчилик палатаси веб-сайтида жойлаштирилади.
4. Танловнинг асосий шартлари — Танловга бериладиган саволлар Қонунчилик палатасининг расмий веб-сайтида ҳар ҳафтанинг **сешанба** куни жойлаштирилади (май ойидан декабргача). Танлов иштирокчиларининг жавоблари савол эълон қилинган ҳафтанинг **якшанба** кунигача қабул қилинади. Ушбу муддат давомида танловнинг ҳар бир қатнашчиси саволларга фақат бир марта жавоб бериши мумкин. Шунингдек, иштирок этишни хоҳловчилар танловнинг исталган туридан бошлаб қатнашиш ҳуқуқига эга.
5. Танлов саволларининг йўналишлари:
 - Ўзбекистон Республикаси Конституцияси ва қонунлари;
 - Олий Мажлис Қонунчилик палатаси фаолияти;
 - Депутатлик бирлашмалари фаолияти (сиёсий партиялар фракциялари, депутатлик гуруҳлари сони, уларнинг таркиби ва ваколатлари)
6. Танловни баҳолаш мезонлари — ҳар ҳафта (танлов тугагунга қадар) сешанба куни мазкур учта йўналиш бўйича 3 та савол 4 та жавоб вариант билан эълон қилинади. Ҳар бир тўғри жавоб бир балдан баҳоланади. Барча савол ва жавобларнинг вариантлари ўзбек ва рус тилларида жойлаштирилади. Қонунчилик палатасининг веб-сайтида ҳар душанба куни танлов қатнашчиларининг рейтинг жадвали эълон қилинади, унда қатнашчиларнинг исми-шарифи ва умумий баллари кўрсатилади.
7. Танлов ғолибларини аниқлаш ва тақдирлаш — Танлов натижаларига кўра, йилнинг балларнинг миқдорига қараб уч нафар ғолиб аниқланади (**тўплаш мумкин бўлган энг юқори балл — 120 балл**). Агар тўпланган баллар ҳисоби тенглашиб қолса, ғолиблар ўртасида қўшимча тур ўтказилади. Ғолиблар Олий Мажлис Қонунчилик палатасининг диплом ва эсдалик совғалари билан тақдирланадилар. Танловда фаоллик кўрсатган ёшлар Қонунчилик палатасида ўтказиладиган тантанали тақдирлаш маросимида қатнашиб, Қонунчилик палатаси фаолияти билан яқиндан танишадилар.
8. Танловни ўтказиш муддати — 2014 йил 4 мартдан 2014 йил 1 декабргача. Он-лайн танловнинг ўзига хос жиҳати шундаки, унда саволлар компьютернинг электрон тармоғига киритилган бўлиб, жавоблар электрон тартибда ҳисоблаб чиқилади ва ғолиблар аниқланади. Танловда фаол иштирок этиш ва миллий парламентаризм билимдонига айланиш!

Бошланғич партия ташкилотлари — бош таянчимиз

Энг намунали куйи бўғин

партия ғоялари тарғиботида фаоллик кўрсатмоқда

дан анъанавий тарзда ўтказиб келинаётган «Энг намунали бошланғич партия ташкилоти» кўрик-танловининг вилоят босқичи ғолиби бўлди.

Эътироф этиш лозимки, мазкур бошланғич партия ташкилоти ўтказилаётган тадбирлар самарадорлигини оширишга алоҳида эътибор қаратмоқда. Партиянинг мақсад ва вазифаларини тарғиб этишда замонавий усуллардан фойдаланилаётгани, шунингдек, электротарқизишлар билан манфаатларига қаратилган тадбирларнинг мунтазам ўтказилаётгани босиб, бугунги кунда БПТ аъзолари сони сезиларли ошиб, 510 нафарга етди. Унга тиббиёт бирлашмасининг даволаш ишлари бўйича бош шифокор ўринбосари Зухра Рашидова етакчилик қилмоқда.

— Бошланғич партия ташкилотимиз ЎзМТДП туман Кенгаши ва партия гуруҳи билан доимий ҳамкорликда иш олиб бормоқда, - дейди биз билан суҳбатда куйи бўғин етакчиси. — Утган йил давомида партия туман Кенгаши ҳамда халқ депутатлари туман Кенгашига партиямиздан сайланган депутатлар ҳамкорлигида қадрият ва анъаналаримизни тарғиб қилишга қаратилган 100 га яқин тадбир ташкил қилинди. «Миллий тикланиш ғояси — миллий тараққиёт таянчи ва асосидир», «Экологик хавфсизликни таъ-

минлаш — миллатнинг соғлиги ва генфондини химоя қилишнинг бош омил», «Юксак маънавиятли оила орқали — юксак тараққиёт сари» шiori остида «Оила мустақамлиги — турмуш ободлиги», «Соғлом оила — соғлом жамият», «Конституция — юрт тинчлиги ва халқ фаровонлигининг кафолатидир» мавзуларида тарғибот тадбирлари ўтказилди. Жорий йилнинг «Соғлом бола йили» деб номлангани оналик ва болаликни ҳуқуқий муҳофаза қилиш, репродуктив саломатлиқни мустақамлашга кўмаклашиш сингари партия дастурий мақсад-вазифаларини амалга оширишда партия куйи бўғини фаолларидан соҳанинг малакали мутахассислари иштирокида ана шу йўналишдаги тарғибот тадбирларини мунтазам ўтказишни талаб этади.

Дарҳақиқат, истиқлол йилларида тиббиёт соҳасини ислоҳ қилиш, шифоналарнинг моддий-техника базасини яхшилаш, шифокорлар билан малакасини ошириш борасида муайян ишлар амалга оширилди. Бу эса, ўз навбатида, соҳанинг ривожланиши, аҳолига тиббий хизмат кўрсатиш сифати ошишида муҳим аҳамият касб этмоқда.

— Тиббий хизмат сифатини яхшилаш ҳамда аҳолининг тиббий маданиятини юксалтириш фаолиятимиз-

нинг асосий мезонидир, - дейди туман тиббиёт бирлашмаси бош шифокори, халқ депутатлари Навоий вилоят Кенгашига ЎзМТДПдан сайланган депутат Эркин Уринов. — Соҳада амалга оширилган ислохотлар туфайли тиббиёт бирлашмалари марказлаштирилди. Туман поликлиникалари ҳам қўлпартмоқчи оилавий поликлиникаларга айлантирилди.

Жорий «Соғлом бола йили» да оналар ва болалар саломатлигини янада яхшилаш, бунинг учун эса, энг аввало, аҳолининг тиббий маданиятини оширишга катта эътибор қаратамиз, - дейди суҳбатдошимиз.

Шуни алоҳида таъкидлаш лозимки, партия ғоя ва мақсадлари аҳолига, энг аввало, бошланғич партия ташкилотлари кўмағида етказилади. Куйи бўғинлар муайян бир ҳудуддаги маҳалла, қишлоқ ёки корхона, муассаса, ташкилотлар қошида ташкил этилиши сабабли улар шу жойдаги ижтимоий-иқтисодий муаммолар, электроний ўйлантираётган масалалардан партиянинг юқори ташкилотларига нисбатан яхши хабардор бўлади. Шундай экан, куйи бўғинлар фаолиятини янада такомиллаштириш, уларнинг ташаббускорлиги ва масъулиятини ошириш муҳим аҳамиятга эга.

Ўралоқ ТУРДИЕВА,
«Milliy tiklanish» мухбири

Бошланғич партия ташкилотларида электротарқизиш билан ишлашнинг замонавий услубларидан фойдаланиш, куйи бўғин сафида билимли ва малакали кадрларни кенг жалб қилиш, электротарқизиш манфаатларини химоя қилиш борасида ЎзМТДП Қизилтепа туман Кенгаши куйи бўғинларида муайян тажриба шаклланди.

— Бошланғич партия ташкилотлари сиёсий партиянинг салоҳиятини белгиловчи асосий кучдир, - дейди партия Қизилтепа туман Кенгаши Ижроия Кўмитаси раиси Турсунпўлат Мухаммедов. — Улар қанчалик фаол ва ташаббусдор бўлса, партиянинг дастурий ғоялари ва мақсадларини амалга ошириш ҳам самарали кечади. Айни пайтда ЎзМТДП Қизилтепа туман Кенгашида 1414 нафар аъзони бирлаштирган 47 та бошланғич партия ташкилоти фаолият юритмоқда. Ёшларни миллий қадрият, анъана ва урф-одатларимизга ҳурмат руҳида тарбиялаш, миллий хунармандчилик ва касаначилик билан шуғулланаётган оилаларни қўллаб-қувватлаш каби партия дастурий мақсад-вазифаларини амалга оширишда туманимиздаги бошланғич партия ташкилотлари алоҳида фаоллик кўрсатиб келмоқда. Бу борада, айниқса, туман тиббиёт бирлашмаси қошида ташкил этилган бошланғич партия ташкилоти фаолиятини намуна қилиб кўрсатиш мумкин. Ушбу куйи бўғин ЎзМТДП Марказий Кенгаши томони-

Қонун — амалда

ЕР ВА СУВ РЕСУРСЛАРИДАН ОҚИЛОНА ФОЙДАЛАНИШ

фаровон ҳаёт кафолати

Давлатимиз раҳбарининг Вазирлар Маҳкамасининг 2013 йилда мамлакатни ижтимоий-иқтисодий ривожлантириш яқунлари ва 2014 йилга мўлжалланган иқтисодий дастурнинг энг муҳим устувор йўналишларига бағишланган мажлисидаги маърузасида замонавий, рақобатбардош ва диверсификациялаштирилган бозор иқтисодиётини шакллантиришга йўналтирилган ислохотлар натижасида 2013 йилда юртимизда иқтисодий ривожланишнинг барқарор юқори суръатлари, макроиқтисодий барқарорликни сақлаш ва иқтисодиётни модернизациялаш таъминлангани эътироф этилди.

Республикасининг «Табиати муҳофазаси қилиш тўғрисида»ги Қонуни табиий ресурслардан оқилонан фойдаланишнинг ҳуқуқий, иқтисодий ва ташкилий асосларини белгилаб берди. Мазкур ҳуқуқий ҳужжат табиати муҳофазаси қилиш соҳасидаги комплекс характердаги биринчи Қонун бўлиб, инсон ва табиат ўртасидаги муносабатлар уйғун мувозанатда ривожланишини, экологик тизимлар, табиат комплекслари ва айрим объектлар муҳофазаси қилинишини, фуқароларнинг қулай атроф-муҳитга эга бўлиш ҳуқуқини кафолатлашга қаратилган.

Мустақил Ўзбекистон мавжуд экологик муаммоларни бартараф этиш ва, айниқса, Орол фожеасини юмшатиш мақсадида кенг қўламдаги саъй-ҳаракатларни амалга оширди. Жумладан, қишлоқ хўжалиги ишлаб чиқаришини диверсификация қилиш ва сув ресурсларидан фойдаланишнинг ҳаваза принципига ўтиштирилди. Сувдан фойдаланишда тежамкор технологиялар кенг жорий этилиб, қатъий нормалар белгиланди. Бу соҳадаги ҳуқуқий база мунтазам такомиллаштириб борилаётган. Сув ресурсларидан ерларнинг мелiorатив ҳолатини яхшилаш, Амударё дельтасида локал ҳовузларни яратиш, муҳофиза этиладиган табиий ҳудудлар тизимини ривожлантириш ва мустаҳкамлаш бўйича салмоқли ишлар қилинмоқда. Хусусан, Ўзбекистон Республикаси Президентининг 2007 йил 29 октябрдаги Фармонида мувофиқ, қишлоқ хўжалиги ишлаб чиқаришини янада барқарор ривожлантириш, ерларнинг мелiorатив ҳолатини яхшилаш, уларнинг унумдорлигини ошириш ва шу асосда қишлоқ хўжалиги экан-дари ҳосилдорлигини кўпайтиришга эътибор қаратилмоқда. Шунингдек, мелiorация ишларини ташкил қилиш ва молиялаштириш механизминини такомиллаштириш учун зарур шарт-шароитларни яратиш мақсади-

да Ўзбекистон Республикаси Молия вазирлиги ҳузурида Суғориладиган ерларнинг мелiorатив ҳолатини яхшилаш жамғармаси ташкил этилди.

«2008-2012 йиллар даврида суғориладиган ерларнинг мелiorатив ҳолатини яхшилаш» Давлат дастури ҳамда «2013-2017 йиллар даврида суғориладиган ерларнинг мелiorатив ҳолатини яхшилаш ва сув ресурсларидан оқилонан фойдаланиш» Давлат дастури ишлаб чиқилиб, қабул қилинди. Мазкур дастурларда белгиланган чора-тадбирларнинг амалга оширилиши натижасида 2008 йилдан бошлаб мамлакатимизда қарийб 1,5 миллион гектар суғориладиган ернинг мелiorатив ҳолати яхшиланди, ер ости сувлари юқори бўлган майдонлар қарийб 10 фоизга ёки 415 минг гектарга қисқарди, кучли ва ўртача шурланган майдонлар 113 минг гектарга камайди.

Мухтасар айтганда, мамлакатимизда ер ва сув ресурсларини асраш борасида амалга оширилган ишларнинг қўлами ижтимоий, иқтисодий ва экологик соҳаларда барқарор ривожланишни таъминлаб, ҳар бир фуқаронинг мусаввоқ атроф-муҳитда фаровон яшашга бўлган ҳуқуқи мустаҳкамлашга хизмат қилди. Ўрни келганда таъкидлаш жоизки, Ўзбекистон «Миллий тикланиш» демократик партияси сайловолди Платформасида юртимиз табиатига, бой табиий ресурсларига нисбатан асраб-авайлаб муносабатда бўлишни, улардан ҳозирги ва келгуси авлодлар манфаати йўлида оқилонан фойдаланилишини, шунингдек, экологик ҳафсизлигини таъминлашга кўмаклашиш вазифалари белгиланган. Бу каби мақсад-вазифаларнинг амалдаги ижросини таъминлашда партия гуруҳларининг фаол иштироки талаб этилади.

Жуманазар ОТАЖОНОВ,
ЎзМТДП фракцияси аъзоси

Ташаббус ва натижа



Бир қарорда икки масала

акс этиши партия гуруҳи масъулиятини янада оширади

(Давоми. Боши 1-бетда)

Жумладан, партия Чортоқ туман Кенгаши томонидан ҳудудимизда туризмни ривожлантириш, мазкур йўналишда амалга оширилаётган ишларга муносиб ҳисса қўиши мақсадида турли тарғибот тадбирлари ташкил этилмоқда.

Ўрни келганда айтиш жоизки, туманда сайёҳлик тизимини ривожлантиришга алоҳида эътибор қаратилиб, ҳудуднинг туризм салоҳиятини юксалтириш учун қулай шарт-шароитлар яратилмоқда. Туманда сулим табиат куршовидаги шифобахш туз ва сувга бой бўлган сихаттоҳлар мавжуд. Жумладан, «Балиқ кўл», «Қирқ қиз кўзи ёши» зиёратгоҳлари юртимиз меҳмонлари билан доимо гавжум.

Халқ депутатлари Чортоқ туман Кенгашининг 2013 йил 30 декабрдаги XX сессиясида партия гуруҳи томонидан киритилган ва қарор қабул қилинган ташаббус-масала ҳам ҳудудда қатор соҳалар ривожига муносиб ҳисса қўиши шубҳасиз. «Туманда туризмни ривожлантириш ва жойларда миллий хунармандчилик соҳасини ривожлантириш ҳақида»ги масала юзасидан қабул қилинган сессия қароридан қатор мутасадди ташкилотларга масъулиятли вазифалар юкланди. Шунингдек, қарорга мувофиқ, ҳудудда қадимий қадамжоларни ободонлаштириш, туманга таширф бюурган меҳмонлар учун зарур шарт-шароитлар яратиш мақсадида туман ҳокимлиги ҳамда тадбиркорлар томонидан 150 миллион сўмга яқин маблағ ажратилиши режалаштирилди. Мазкур ташаббус-масала ижросини таъминлашда партияимиз фаоллари, айниқса, депутатлардан янада фаоллик ва ташаббускорлик талаб этилади.

Ҳудудда туризмнинг ривожланиши ўз-ўзидан миллий хунармандчилик ривожига кенг йўл очади. Партияимиз сайловолди Платформасида белгиланган асрлар давомида ривожланиб келаётган халқ амалий санъати ва бадиий хунармандчилик аъналарини сақлаб қолиш, халқ усталари, хунармандлар ва оилавий тадбиркорлар ҳамда маҳаллий ишлаб чиқарувчиларни ҳар томонлама қўллаб-қувватлашга кўмаклашиш борасидаги ва-

зифаларни ҳаётга татбиқ этишда партия гуруҳининг ташаббуси муҳим аҳамият касб этади. Бугун нафақат туман марказида, балки чекка қишлоқларда ҳам миллий хунармандчилик ва касаначилик билан шугулланадиган ҳамюртларимиз сафи кундан-кунга кенгайиб бормоқда. Айниқса, ҳудудда ёғоч ва металл тунуқадан хунармандчилик буюмлари ясаш, қўл тўқимачилиги, каштачилик кенг ривожланган.

Айни пайтда вилоятда халқ усталари, хунармандлари, мусавирлари «Хунарманд» уюшмасининг 861 нафар аъзоси бўлиб, шундан 21 нафарини уюшманин Чортоқ туман бўлими аъзолари ташкил этади. Бу рақам туманда ҳали хунармандлар фаолиятини янада такомиллаштириш билан боғлиқ муаммолар мавжудлигини кўрсатиб турибди. Партияимизнинг

- **Республикамиз ҳудудидаги 140 та тарихий-меъморий ёдгорлик ЮНЕСКО томонидан қўриқланадиган тарихий обидалар таркибига киритилган**
- **Халқ депутатлари Чортоқ туман Кенгаши сессияси қарорида туризмни ривожлантириш ва қадриятларимиз давомчиларига имкониятлар яратишни кучайтириш масаласи ўз аксини топди**

асосий электорати бўлган хунарманд-усталарнинг қонунга мувофиқ фаолият олиб боришларида партияимиз фаоллари астойдил ҳаракат қилишади.

Ҳудудимизда, мазкур ташаббус-масаланинг ижроси ҳудудда эндигина ривожланаётган хунармандчиликнинг суяк ва тош ўймакорлиги, пичоқчилик, ганч ўймакорлиги, чарм маҳсулотларидан пойфал тикиш, миллий кўғирчоқлар ясаш йўналишларининг кенг қулоч ёйишига замин яратяди.

Диляфруз ҲАМРОҲУЖАЕВА,
ЎзМТДП Чортоқ туман Кенгаши Ижроия Кўмитаси раиси

Қонунчилик палатасида

Салоҳиятли кадрлар

юрт равнақига хизмат қилади

Олий Мажлис Қонунчилик палатасининг Фан, таълим, маданият ва спорт масалалари қўмитаси томонидан «Олий малакали илмий ва илмий-педагогик кадрлар тайёрлаш ва аттестациядан ўтказиш чора-тадбирларини амалга оширишнинг ҳолати ва истиқболлари» мавзусида конференция ўтказилди.

— Истиқлол йилларида мамлакатимизда таълим-тарбия тизимини янги босқичга кўтариш мақсадида кенг қўламда ислохотлар босқичма-босқич амалга ошириб келинмоқда, - деди тадбирни кириш сўзи билан очган Олий Мажлис Қонунчилик палатаси Фан, таълим, маданият ва спорт масалалари қўмитаси раиси, ЎзМТДП фракцияси аъзоси Абдуғафур Маматов. — Аввало, соҳадаги муносабатларни тартибга солуви мустаҳкам ҳуқуқий асослар яратилди. Хусусан, «Таълим тўғрисида»ги қонун ва Кадрлар тайёрлаш миллий дастури қабул қилиниб, унда таълим жараёнининг барча босқичларини қамраб олуви, замонавий ўқув-лаборатория ускуналари ва компьютер техникаси билан жиҳозланган умумтаълим мактаблари, касб-хунар коллежлари ва академик лицейлар, олий таълим муассасаларидан иборат юқори талабларга жавоб берувчи узлуксиз таълимнинг мустаҳкам кафолати яратиб берилди. Мамлакатимизда таълим соҳасида амалга оширилаётган ишлар дунё ҳамжамияти томонидан ижобий баҳоланмоқда ва намуна сифатида ўрганилмоқда.

Конференция ишида Ўзбекистон Республикаси Президентининг «Олий малакали илмий ва илмий-педагогик кадрлар тайёрлаш ва аттестациядан ўтказиш тизимини янада такомиллаштириш тўғрисида»ги Фармони ижроси юзасидан амалга оширилаётган ишлар натижалари муҳокама қилинди. Эътироф этилгандек, илмий кадрларни аттестациядан ўтказишнинг халқорат томонидан талабларига мос келадиган фан доктори илмий даражасини олиш учун тўғридан-тўғри докторлик диссертациясини ҳимоя қилишни назарда тутувчи олий ўқув юртидан кейинги таълимнинг бир босқичли тизими жорий этилди. Шунингдек, диссертация тадқиқотларининг сифатини, илмий ва амалий аҳамиятини ошириш, ёшларнинг ижо-

дий ва интеллектуал салоҳиятини намоён этишга шароитлар яратиш мақсадида Ўзбекистон Республикасининг Меҳнат, Уй-жой кодекслари, «Фуқароларнинг давлат пенсия таъминоти тўғрисида», «Таълим тўғрисида»ги Қонунлар ҳамда Кадрлар тайёрлаш миллий дастурига тегишли ўзгаришлар киритилди.

Таъкидланганидек, олий ўқув юртидан кейинги таълимга қўйиладиган талабларга мувофиқ, олий ўқув юртидан кейинги таълим институтига катта илмий ходимлар — изланувчилар сифатида кирувчи шахслар қандам икки йиллик илмий ёки илмий-педагогик иш стажига ҳамда фан номзоди илмий даражасига ёки магистр даражаси жорий этилгунга қадар олинган маълумот тўғрисидаги дипломга эга бўлиши белгилаб қўйилди. Шунингдек, камида 5 йил амалий иш стажига эга бўлган шахслар ҳам мустақил изланувчилик тартибидан фан доктори илмий даражасини олиш учун илмий фаолият билан шугуланишларига имконият яратилди.

Конференцияда Олий ва ўрта махсус таълим вазирати ўринбосари Б.Усмонов маъруза қилди:

— Олий ўқув юртидан кейинги таълимнинг янги тизимига ўтиш мақсадида 2013 йилда тасарруфидан олий ўқув юртидан кейинги таълим институтлари мавжуд бўлган олий таълим ва илмий тадқиқот муассасалари стажёр-тадқиқотчи-изланувчилари аттестациядан ўтказилди. Фан ва технологияларни ривожлантиришни мувофиқлаштириш қўмитаси ҳузурида 20 та фан тармоғи йўналишида 186 та эксперт гуруҳи ташкил этилиб, улар томонидан 2014 йилда биринчи босқичга тавсия этилган катта илмий ходим — изланувчилар учун докторлик мавзулари ва квота бўйича тақлифлари ўрганиб чиқилган.

Экспертиза натижаси бўйича катта ил-



мий ходим - изланувчилар учун режалаштирилган 1665 мавзудан 1200 таси ёки 72 фоизи ва мустақил изланувчиликка мўлжалланган 3650 мавзудан 1920 таси ёки 52,6 фоизи 2014 йил учун режалаштирилаётган докторлик диссертациялари мавзулари базасига тавсия этилди ва интернет сайтларида эълон қилинди. Бунда фан ва технологияларнинг мамлакат иқтисодиётидаги аҳтиёжи, фан тармоқлари ривожланишининг истиқболига алоҳида эътибор қаратилди, - деди нотик.

Конференция иштирокчилари Президентимизнинг мазкур Фармони олий ўқув юртидан кейинги таълим тизимини тубдан ислоҳ қилиш, шунингдек, диссертация тадқиқотларининг сифатини, илмий ва амалий аҳамиятини ошириш, ёшларнинг ижодий ва интеллектуал салоҳиятини намоён этишга шароитлар яратиш йўлида узқоқни кўра билб, оқилонан иш тутилгани натижаси эканлигини эътироф этилди.

Тадбирда сўз олган депутатлар мазкур соҳадаги қонунчилик механизмларини янада такомиллаштириш, амалдаги қонунлар ижроси устидан парламент назорати ҳамда назорат-таҳлил ишлари самарадорлигини янада ошириш, ушбу соҳанинг ҳуқуқий асосларини мустаҳкамлаш юзасидан ўз фикр-мулоҳазаси ва тақлифларини баён этиди. Жумладан, ЎзМТДП фракцияси аъзолари илм-фан соҳасини ривожлантиришга кўмаклашиш Ўзбекистон «Миллий тикланиш» демократик партиясининг дастурий мақсад-вазифаларидан эканлигини таъкидлашди. Хусусан, Ўзбекистоннинг илмий зиёлиларини бундан бунён ҳам қўллаб-қувватлаш масалаларини тартибга солуви қонун ҳужжатлари ишлаб чиқилиши ҳамда қабул қилинишига эришиш, фундаментал фан соҳасини миллий илм мактабининг халқорат даражасига олиб чиқа оладиган мамлакатимиздаги янги ишланмаларни ривожлантиришга кўмаклашиш партия сайловолди Платформасида белгиланган устувор вазифалардан эканлиги эътироф этилди.

Мухтарама КОМИЛОВА,
«Миллий тикланиш» мухбири

Депутат минбари

Ҳудудларда қонун ва қарорлар ижроси

уларни назорат қилиш партия гуруҳи диққат марказида бўлмоғи керак

Президентимизнинг Ўзбекистон Республикаси Конституциясининг 21 йиллигига бағишланган тантанали маърузасида мамлакатимизни ислоҳ этиш ва модернизациялаш, фуқаролар ҳуқуқ ва манфаатларини таъминлаш бўйича долзарб вазифаларни ҳал этишда сиёсий партияларнинг иштирокчи кенгайтириш, кўппартиявийлик тизимини мустаҳкамлаш ва партиялараро рақобатни кучайтириш демократик давлат барпо этишнинг муҳим шартига айлишини зарурлигига алоҳида эътибор қаратилди.

Халқ депутатлари маҳаллий кенгашларга ЎзМТДПдан сайланган депутатлар партия сайловолди Платформасида белгиланган вазифалардан келиб чиққан ҳолда сайловчилар ишончини қозониш, электорат манфаатларини ҳимоя қилиш ҳамда аҳоли кенг қатламларини ҳар томонлама қўллаб-қувватлашга интилмоқда. Маълумки, партия гуруҳларининг фаоллик ва ташаббускорлиги сайловчилар ўртасида ЎзМТДП бўрусини янада мустаҳкамлашда муҳим ўрин тутяди. Шу нуктага назардан жорий йилда халқ депутатлари Хоразм вилоят Кенгашидаги партия гуруҳи электорат манфаатларини

ҳимоя қилиш ҳамда бир қатор вазифаларни амалга оширишни режалаштирган. Жумладан, «Соғлом бола йили»да миллий хунармандчилик, касаначилик, оилавий тадбиркорлик ва туризмни ривожлантириш борасидаги саъй-ҳаракатларга кўмаклашишни устувор вазифаларимиз сифатида белгилаб олдик. Шунингдек, партия ташкилотлари, хусусан, қуйи бўғинлар билан ҳамкорликни янада мустаҳкамлаш орқали ЎзМТДП сафини фаол ва ташаббускор фуқаролар ҳисобига кенгайтириш, қабул қилинган қонун ва қарорлар ижроси юзасидан аҳоли орасида тушунтириш ишларини олиб бориш масалаларига алоҳида эътибор қаратиш фаолиятимизнинг асосий мезонига айланган.

Таъкидлаш жоизки, Давлатимиз раҳбарининг «2013-2015 йилларда Хоразм вилоятини сайёҳлик соҳасини ривожлантиришга алоҳида эътибор қаратиш» Дастури тўғрисидаги «Қарор» вилоятимизда туризм соҳасида ривожланишида муҳим дастуриямал бўлиб хизмат қилмоқда. Қарор билан тасдиқланган Дастур доирасида соҳага 86,8 млн. АҚШ доллари миқдоридagi инвестиция жалб қилиниб, икки юзга яқин лойиҳаларни амалга ошириш кўзда тутилган. Бугун Хоразмда ушбу дастур асосида кенг миқёсдаги ишлар амалга оширилмоқда. Мазкур жараёнда Ўзбекистон «Миллий тикланиш» демократик партияси Марказий ҳамда вилоят Кенгаши, Олий Мажлис Қонунчилик палатасидаги фракцияси ҳамда партия гуруҳимиз ЎзМТДП дастурий мақсадларидан келиб чиққан ҳолда фаол иштирок этишга интилмоқда. Хусусан, ЎзМТДП

фракцияси ва вилоят Кенгаши ташаббуси билан Хоразм Маълум Академияси, Урганч давлат университети ҳамкорлигида «Антик давр цивилизацияси тарққиётида Хоразмнинг ўрни» мавзусида Республика илмий-амалий анжумани ўтказилган эди. Партия вилоят Кенгаши томонидан анжуман материаллари чоп этилди. Шунингдек, партия ташаббуси билан Сулаймонқалъа Дирекцияси ва Хазорасп музейини ташкил қилиш борасида амалий ишлар қилинмоқда. Зеро, ЎзМТДП сайловолди Платформасида туризм соҳасини ривожлантиришга кўмаклашиш устувор вазифалардан бири сифатида белгиланган. Мазкур саъй-ҳаракатлар ушбу дастурий вазифаларнинг амалдаги ижросида муҳим аҳамият касб этади.

Ўзбекистон «Миллий тикланиш» демократик партияси юрт тинчлиги ва оқибатлиги, Ватан тараққиёти, халқ фаровонлиги умуммиллий гоёси атрофида ҳамиятимизни бирлаштириш, ҳуқуқий демократик давлат қуриш, эркин фуқаролик жамиятини шакллантиришга кўмаклашишни асосий мақсади деб биллади. Партия гуруҳимиз ЎзМТДП Дастури ва сайловолди Платформасида белгиланган вазифалардан келиб чиқиб, жорий «Соғлом бола йили»да фаолиятимизни янги босқичга кўтариш, халқимиз, мамлакатимиз келажига дахлдор бўлган эзгу ишларга муносиб ҳисса қўиши учун бор куч ва имкониятларини ишга солишга интилмоқда.

Зафар КАРИМОВ,
халқ депутатлари Хоразм вилоят Кенгашидаги ЎзМТДП гуруҳи аъзоси

Маънавият

Хунармандларимиз

ҚАМАШИНИНГ ҚЎЛИГУЛ АЁЛЛАРИ

Хунарли эл хор бўлмас, дейишади. Дарҳақиқат, маҳаллий хунармандларимизнинг минглаб санъат асарлари нафақат юртимиз, балки дунёнинг нуфузли музей ва галерейларидан ҳам жой эгаллади. Истиқлол қадриятларимиз давомчиларига кенг имкониятлар эшигини очди. Ота-боболаримиздан мерос қадриятларимиз қайта тикланди.

Устаю хунармандлар юксак даражада кадр топди. Президентимизнинг бу борадаги фармони қарорлари улар учун кенг имконият ва имтиёзлар яратди. Қолаверса, унутилиш арафасида турган миллий хунармандчилик турларини ўсиб келаётган ёш авлод ўртасида тарғиб қилиш, ёшларимизни миллий ва умуминсоний қадриятлар, урф-одатларга хурмат руҳида тарбиялашга бўлган эътибор янада кучайди.

Этироф этиш жоизки, Ўзбекистон Республикасида халқ усталари, хунармандлари ва мусавирларнинг «Хунарманд» уюшмаси томонидан бу борада салмоқли ишлар амалга оширилган. Хусусан, «Хунарманд» уюшмаси Камашни туман бўлимига аъзо хунармандлар халқ бадий хунармандчилиги ва амалий санъат турларининг 27 йўналиши бўйича шугулланиб келмоқда.

— Ҳозирги кунда 80 нафардан зиёд хунарманд уюшманинг туман бўлимига аъзо бўлган, дейди «Хунарманд» уюшмаси Камашни туман бўлими раисаси Маффуза Очилова. — Давлатимиз томонидан хунармандларга кенг имкониятлар яратиб берилиши натижасида аъзоларимиз сони

кундан-кун кўпайиб, қадриятларимиз давомчилари самарали фаолият юритмоқдалар. Президентимизнинг 2010 йил 30 мартдаги «Халқ бадий хунармандчилиги ва амалий санъатини ривожлантиришни янада кўллаб-қувватлаш тўғрисида»ги фармони бу борада дастуриламал бўлаётди. Уюшма аъзоларидан ташқари яқна тартибдаги тадбиркорлар, бадий хунармандчилик ва амалий санъат буюмларини уй шароитида ишлаб чиқариш фаолияти билан шугулланувчи юртдошларимиз ҳам имкониятдан унумли фойдаланиб, фаолиятларини янада кенгайтиришга эришдилар.

Узоққа бормайлик, туманинг Ёртепа маҳалласи Учтут қишлоғида яшовчи гиламдўз Наргиза Йўлдошова ўз кўли билан тўқиған гажари, терма, кўчкоршоҳ, жулхурс, шохлиқаттик, боғдоқ, дигдиқа, арча деб номланувчи миллий гилам ва кигизлар ҳар бир инсонни ром айлайди. Наргиза опа уй шароитида фаолият юритиш баробарида ўзига хос «устоз-шоғирд» мактабини ҳам яратганлардан, десак муболага бўлмайди. Ҳозирда унинг 30 нафар шоғирди гиламчилик сирларини ўрганмоқда. Ёш хунармандларимиздан яна

бири Фариди Жабборова кўлда тўқиш йўналиши бўйича улкан ютуқларга эришиб келмоқда. «Ташаббус-2013» кўрик-танловининг туман босқичида қатнашган синглимиз «Йилнинг энг яхши хунарманди» номинацияси ғолиби бўлди. Бундан аввал Фариди танловнинг вилоят босқичида «Фаол иштирокчи» номинациясига лойиқ кўрилган эди. Бундан ташқари, у яқинда ўтказилган «Хунарманд оила» кўрик-танловининг вилоят босқичида 2-уринни эгаллади.

Шуни алоҳида таъкидлаш лозимки, ЎзМТДП Марказий Кенгаши Ижроия Кўмитаси ва Олий Мажлис Қонунчилик палатасидаги фракцияси, Ўзбекистон Республикаси Марказий банки, Ўзбекистон Республикаси «Хунарманд» уюшмаси ҳамкорлигида ташкил этилган «Банк кредитларининг оилавий тадбиркорлик ва миллий хунармандчиликни ривожлантиришдаги аҳамияти» мавзусидаги амалий семинар чоғида вилоятнинг 37 нафар хунармандига кредитлар ажратилди. Улар орасида туманимизнинг 11 нафар хунарманди ҳам бор.

— Давлатимиз томонидан уста-хунармандларнинг кўллаб-қувватланиши бизга қанот берди, - дейди ёш хунарманд Ф. Жабборова. — Камина ушбу кредитни фаолиятимни янада ривожлантириш, миллий хунармандчилигимизнинг ноёб турларини қайта тиклаш ва асраб-авайлаш, уларни ёш авлодга етказиш йўлида сарфлаш ниятдаман.

Шерзод ҚУРБОНОВ,
«Milliy tiklanish» мухбири



Президентимиз раҳнамолигида оналик ва болаликни муҳофаза қилиш, соғлом турмуш тарзини қарор топтириш, ҳар томонлама соғлом авлодни вояга етказиш масалаларига устувор аҳамият қаратилмоқда.

Навоий вилоят перинатал марказида 300 нафардан зиёд малакали акушер-гинеколог, реаниматолог, неонатолог, педиатр, доя, лаборант ва ҳамшира меҳнат қилмоқда. «Бехатар оналик», «Болаликнинг ўсиш ва ривожланиш мониторинги» дастурлари асосида билим ва малакасини ошириб бораётган шифокорлар она ва бола саломатлиги муҳофазаси, табиҳис қўйиш ҳамда тиббий ёрдам кўрсатишда илгор тажриба ва замонавий ускуналардан самарали фойдаланмоқда.

Марказда 2013 йилда 4 минг 632 чақалоқ дунёга келиб, барчасидан профилактик эмлаш ва скрининг текширувлар учун таҳлиллар олинди.

Сирож АСЛОНОВ (ЎЗА)
олган суратлар.



Кўрик-танлов

Тошкент шаҳар халқ таълими бош бошқармаси методика маркази томонидан 10-17 февраль кунлари «Йилнинг энг яхши фан ўқитувчиси-2014» кўрик-танловининг шаҳар босқичи ўтказилди.

«Йилнинг энг яхши фан ўқитувчиси-2014»

ғолиблари аниқланди

Кўрик-танловнинг шаҳар босқичида туман босқичидан муваффақиятли ўтган 150 нафар ўқитувчи қатнашди. Улар бошланғич таълим, она тили ва адабиёти, ўзбек, инглиз, француз ва немис тиллари, биология, география, тасвирий санъат ва чизмачилик, давлат ва ҳуқуқ асослари, иқтисодий билим, мусиқа, меҳнат ва жисмоний тарбия фанлари бўйича ўз маҳоратларини намойиш этишди.

Танлов тўрт турга бўлинган ҳолда ўтказилди. Биринчи сиртки турда ўқитувчи ўзининг 15 дақиқалик дарс ўтиш технологиясини видео ҳамда CD дисклар орқали тақдим этди. Ундан кейинги босқичда ўз фани бўйича белгиланган мавзу юзасидан дарсга тайёргарлик кўрган ўқитувчилар синавдан ўтказилди. Учинчи турда «Таълим сифатини оширишда амалга оширмақчи бўлган ишларим» мавзусига бағишланган тақдимотлар тингланди. Ва ниҳоят, кўрик-танловнинг тўртинчи турида иштирокчилар нотаниш мактаб, синф ва мавзу бўйича замонавий педагогик технология ҳамда методларни қўллаган ҳолда дарс ўтиши баҳолаб борилди.

«Йилнинг энг яхши фан ўқитувчиси-2014» кўрик-танловининг шаҳар босқичи якунига кўра, пойтахт туманларидаги умумтаълим мактабларида фаолият юратаётган 41 нафар ўқитувчи ғолиб деб топилди.
Ҳасан АБДУНАЗАРОВ

Миллий мерос

Кўҳна тарих солномасидаги марварид маскан

Ота-боболаримиздан бизга мерос бўлиб келаятган тарихий обидалар, муқаддас қадамжолар шу қадар кўпки, уларни қайта тиклаш, асраб-авайлаш, таъмирлаш ва келажак авлодларга етказиш, ажодларимиз ақду заковати билан бунёд этилган масканлар тарихини чуқур ўрганиш бугунги ва келажак авлод учун ниҳоятда муҳимдир.

Навоий вилоятида халқимиз томонидан ҳозиргача асраб-авайлаб келинаётган кўплаб зийратгоҳ масканлар бор. Этирофли жиҳати шундаки, мустақиллик йилларида улкан тарихий меросимиз бўлиши муқаддас қадамжоларга бўлган эътибор кучайди, файзли ва обод манзилларга айлантирилди. Хусусан, Нуротанинг Фозгон қишлоғида мармарчилик санъати ривож топган бўлиб, Шоҳимардон масжиди ансамбли айнан шу ерда жойлашган.

Шу замин фарзанди, ижодкор ўқитувчи Раҳмон Асатовнинг «Фозгоннома» рисоласида қайд этилишича, «Фозгон» аслида туркий сўз бўлиб, «Қозгон» сўзининг бўзилган шаклини ифода этади. Қолаверса, бу заминда жуда қадим замоналардан бери бебаҳо мармар тоши қазиб олингани учун ҳам қишлоқ шундай ном билан атаб келинган. Дарҳақиқат, табиатини сўлим ва бетакрор бу кўрғонга бир бора келган одам ўзини гўё тоштарошлар юртига келиб қолгандек ҳис этади. Маҳаллий аҳоли чорвачилик ва тоштарошлик қилиш баробарида хунармандчилик билан ҳам шугулланади. Айни пайтда Фозгон мармарининг довури етти иқлимга кетган, десак муболага бўлмайди. Республикаимизнинг қай бир гушасига борманг, Тошкент, Самарқанд, Бухоро, Хива каби кўҳна шаҳарларимиздаги тарихий обидалар билан танишманг, Фозгон мармаридан фойдаланилганини кўрасиз. Ўз даврида камалатранг бу мармардан нафақат қурилиш ашёси, балки уй-рўзгор буюми — мармар товоқлар, чойнак ва пиёлалар ҳам ясалган.

— Сангтарошлик фозгонликлар учун ота мерос касб ҳисобланади. Бу санъат асрлар давомида мармар товоқларда намоеён бўлиб келмоқда. Бухородаги Арк ва Ситорайи Моҳи хосса музейларида хозирга қадар 400 дан ортиқ дид билан нақшланган, ҳикмат ва теран маъноларни англатувчи тафаккур маҳсуллари жо бўлган байтлар билан сайқаланган мармар товоқларнинг сақланаётганини ҳам фикримизнинг ёшларимизга, дейди ЎзМТДП Нурота туман Кенгаши раиси Саттор Фафоров.

Фозгон манзилларини кузатар экансиз, уста Абдурахим Турдиев томонидан ишланган катта ҳовуз четидаги мармар тошдан ясалган аждр тимсоли беихтиёр эътиборингизни тортади. Ёхуд қишлоқ марказидаги қадимий чашма, муқаддас туятош каби жойлар афсонавий юртинг ўзига хос қадриятларга бойлигини ифодалайди.

Фозгонликлар учун ниҳоятда қадри бир маскан бор. У ҳам бўлса, Шоҳимардон тарихий ёдгорлиғидир. Манбаларда қайд этилишича, бу қадимий обида XV-XVI асрларда бунёд этилган бўлиб, мақбара ҳам бор. Мармар тошдан бунёд этилган, маҳобатли ва мўъжизакор обида Ўрта Осиё архитектурасининг ноёб намуналаридан бири сифатида ҳам қадрлидир. Таъкидланишича, қадамжиро 1904-1908 йилларда Бухоро амири Абдулаҳадон ва

билан танишар экансиз, бу диёрда қадимдан тупроқ кўрғонлар ва қальалар мавжуд бўлганлигига амин бўлди. Булар Фозгон қишлоғи маркази, Деҳибаланд ҳамда Оқтепа қишлоқларида кўл кучи билан бунёд этилган тупроқ кўрғонлардир.

Бу кўрғонлар душман босқинидан халқни огоҳ этиш мақсадида қурилган бўлиб, кўрғон тепасига турли шох-шаббалар гулхан қилиб ёқилган. Буни кўрган халқ ёғийдан яшириниш чорасини кўрган. Яна ўша «Фозгоннома» рисоласида келтирилишича, Фозгондаги чашма устида қурилган кўрғоннинг тепасидан ичкарисига қирадиган оғзи бўлган. Ичкарига кириш йўлига зинапоя тарзида, усти эса тахтадошлар билан ёпилиб, тупроқ тортилган. Бу йўлақларнинг узунлиги 40 метрдан ҳам зиёд эканлиги, зинанинг охири, булоқ кўзи атрофига яхшилаб терилган супалар, тоқчалар ва кичик майдончаларга тақалиши аниқланган. Кўрғон атрофида кўмилган хумлар, кўзалар, сопол идишлар, терилган тошлар ҳозиргача сақланиб қолган.

Ўзига хос турмуш тарзига эга бўлган бу масканда 4 та чашма бор. Табиатнинг бу ноёб тухфаларидаги зилол сувларда ёши

- **Фозгонда мармарчилик санъат даражасига кўтарилган**
- **Мармардан уй-рўзгор буюмлари ҳам ясалган**
- **Музейларда 400 дан ортиқ мармар товоқлар сақланади**
- **В асрлик тарихий обида**
- **Нурота — экотуризм маскани**

унинг фарзанди Саид Олимхон томонидан таъмирланган. Этироф этиш жоизки, уни таъмирлаш ишларида фозгонлик усталар ҳам иштирок этишган. Жумладан, уста Абдурахим Турдиев, Умир уста, Сафар уста, Хайтимурад ва Бобомурод усталар мармарга сайқал бериб, ёдгорликни безаш ишларига бош-қош бўлишган. Ёдгорлик ансамбли Намознаси бўлган қадамжиро келажак авлодларга бенуқсон етказилиши ва ёшларимизнинг маънавий баркамоллиги йўлида ҳали узоқ вақт хизмат қилиши шубҳасиз. Нурота тарихига оид манбалар

ва тури номаълум бўлган балиқлар сузиб юради. Халқ тилида «Авлиё балиқлар» деб аталувчи бу балиқлар булоқларда турли ўйинлар кўрсатади. Уларни томоҳа қилиш завқли. Чашмаларнинг суви тиник, ширин ва ши-фобахшидир. Буни сўз билан таърифлаб бўлмайди. Булоқ сувларини бир бора бўлса-да мириқиб ичсангиз фикримизга қўшилмасиз, албатта. Этирофли жиҳати чашма сувлари ёзда салқин, қишда эса мўътадил ҳароратда сақланади, музламайди. Худуд аҳолиси ана шу чашмалардан сув ичади, экин-тикин қилади. Мухтасар айтганда, Нуротадек муқаддас заминда Фозгон сингари сиру синаотга бой масканлар талайгина.

Ўралои ТУРДИЕВА,
«Milliy tiklanish» мухбири

Бугуннинг гапи

«Фаст-фуд»

қай даражада фойда-ю, қай даражада зиён?

Инсоннинг соғлом ҳаёт кечирishiда истеъмол қилаётган таоми муҳим аҳамиятга эга. Шу боис тиббиётда беморга парҳез тутиш буюрилади. Сир эмас, бугунги кунда миллий таомларимиз қаторидан европа таомлари ҳам ўрин олмақда. Бу яхши, албатта. Бироқ, улар бизнинг иқлим ва миждимизга ҳар доим ҳам туғри келаядими? Қундалик турмуш тарзимизга яна шундай таом ва егуликлар ҳам кириб келмоқдаки, улар меъридан ортиқ истеъмол қилинса, инсон соғлиги ва руҳиятига салбий таъсир қилар экан. «Фаст-фуд» маҳсулотларини ана шундай таомлар сирасига киритиш мумкин.



ОЛТИН МЕЪЁР

Дилбар ОРИФЖОНОВА,
Терапевт-шифокор:

— «Фаст-фуд» маҳсулотлари кетчуп, майонез, махсус ранг ва бошқа турли хил консервантларнинг қўшилиши натижасида хуштаём ва ширин бўлади. Табиийки, бундай пайтда хўранданинг иштаҳаси очилади ва кўпроқ ейишга эҳтиёж сезади. «Фаст-фуд» хўрандалари қани эди фақат ана шулар билангина чекланиб қолса. Улар шундоқ ҳам, асосан, консервантлардан иборат маҳсулотлар устидан камлик қилгандек қола ёки сок истеъмол қилишга ўрганиб қолишган. Маълумки, шарбатларнинг хушбўйлиги ва рангини сақлаб қолиш мақсадида сунъий ранг ва моддалардан фойдаланилади. Уларни нисбатан кўп истеъмол қилиш эса одам организмда турли хил аллергик касалликларни пайдо қилади. Бундай маҳсулотлар ёш болада эса инжиқлик аломатларини кучайтиради ва бола турли кассаликларга тез чалина бошлайди. Масалан, «хот-дог»ни олайлик. Унинг таркибида инсон бир кунда қабул қилиши керак бўлган даражада туз микдори бор. Энди уйлаб кўринг, кун бўйи 2-3 маҳал овқатланишимиз мумкин. Шунда бир кунда қанчалик туз истеъмол қилишимиз аниқ намоеён бўлади.

250 мл литрлик газли ёки рангли ичимлик таркибида 16 чой қошиқдек тенг шакар мавжуд. Замонавий тиббиёт боланинг 3 ёшигача ширинлик истеъмол қилмаслигини тавсия қилади. Шунда, энг аввало, боланинг тиши қармесга тез чалинмайди. 50 граммли «пирожний» таркибидаги калорияни ҳазм қилиш учун тўрт қаватли бинога тўрт марта қичиб тушишимиз лозим бўлади. Айтмоқчимизки, «фаст-фуд»ни истеъмол қилгандан кейин уни ҳазм қилишни ҳам ўйлаш керак. Кўпчилик газли сув ичсақ ёки сақич чайнасақ ҳазм бўлиб кетади, деб ўйлашмайди. Бу аслида нотўғри тушуنча, аксинча, меъридан ортиқ «фаст-фуд» тановул қилиш бугунги кунда глобал муаммага айланаётган бир қатор касалликларни келтириб чиқармоқда.

Ҳозирги кунда ортиқча вазнлиларнинг тобора кўпайиб бораётгани катта муаммолардан бирига айланмоқда. Статистик маълумотларга кўра, бугун дунё миқёсида 7 ёшгача бўлган 42 миллион нафар бола семизлик касалига дучор бўлган. Энг ҳайратланарлиси, уларнинг аксарияти «фаст-фуд» маҳсулотларини доимий равишда истеъмол қилишлари аниқланган.

Дилфуза РЎЗИЕВА,
«Milliy tiklanish» мухбири



Соғлом авлодни тарбиялаш — мамлакатимизда амалга оширилаётган давлат сиёсатининг устувор йўналишларидан биридир. Истиқлол йилларида мамлакатимизда замонавий спорт иншоотлари барпо этиш ва уларнинг моддий-техник базасини мустаҳкамлаш бўйича беқисс ишлар амалга оширилди. Президентимиз Ислам Каримовнинг 2010 йил 5 мартда қабул қилинган “Болалар спорт объектларидан фойдаланиш самарадорлигини ошириш борасидаги қўшимча чора-тадбирлар тўғрисида”ги қарори бу борада муҳим омили бўлиб хизмат қилаёттир.

Пойтахтимизнинг Юнусобод туманида жойлашган “Ёшлик” спорт мажмуаси болаларнинг сеvimли масканларидан бири. Бу ерда йигирма олти нафар малакали мураббий болаларга байдарка ва канозда эшак эшиш, академик эшак эшиш, футбол, бадий гимнастика, каратэ, белбоғли кураш ва стол тенниси каби спорт турлари бўйича сабоқ бермоқда.

Соғлом авлодни камолга етказишдек муҳим вазифани амалга ошириш жараёнида мазкур маскан 441 ўқувчи-ёшларнинг бўш вақтини мазмунли ўтказишга қўмаклашаёттир.

Бунинг самарасида “Ёшлик” спорт мажмуаси тарбияланувчилари орасида республика ва халқаро миқёсдаги чемпионатларда ғолиб бўлган ёшлар кўп.



Отабек МИРСОЛТОВ, (ўса) Муаллим оғани сураёт

Фаолият

Баркамол ёшлар — юрт таянчи

Истиқлол йилларида соғлом ва баркамол авлодни тарбиялаш давлат сиёсати даражасига кўтарилди. Ёш авлод келажаги ҳақида қайғуриш, уларнинг муносиб таълим олишлари учун шарт-шароитлар яратиш, юртимизда олиб борилаётган кенг миқёсдаги ислохотлар жараёнида уларнинг ролини янада кучайтиришга катта эътибор қаратишмоқда.

Бугунги кунда Самарқанд вилоятида 175 та касб-хунар коллежи ва академик лицей фаолият юритапти. Мазкур таълим масканларида 107 йўналиш бўйича 197 минг 469 нафар йигит-қиз тахсил олмақда. Таълим масканларида келажакимиз эгаларининг чуқур билим ва истеъдод соҳиб бўлиб камол топишлари учун шарт-шароитлар етарли.

Каттакўрғон тиббиёт, транспорт, иқтисодиёт касб-хунар коллежлари замонавий архитектура талаблари асосида бунёд этилган намунали билим масканлари сирасига қиради. Кенг ва ёруғ машғулот хоналари, спорт заллари ва майдончалари ёшлар ихтиёрида. — Талабаларимиз учун амалиёт дарсларини эллика яқин олий маълумотли шифокорлар олиб боради. Назарий билимлар коллежда, амалий дарслар тиббий муассасаларда олиб борилади талабаларимизнинг фанларни пухта ўзлаштиришлариغا ёрдам бераёпти, - дейди коллеж директори Ҳикматулла Шукуров. — Коллежда “Диагностика ва даволаш мажмуаси” ташкил этилиб, ишга туширилган. Мажмуада аҳолига малакали тиббий хизмат кўрсатиш баробарида ўқувчиларимиз амалий малака ва кўникмаларини ҳам мустаҳкамлашмоқда. Бундан ташқари, мажмуа орқали бюджетдан ташқари маблағ топшиш имкони яралди. Келиб тушган маблағлар эвазига мажмуага 100 дан ортиқ тренажёр, тиббий асбоб-ускуналарни харид қилди. Дарс жараёнида компакт-дисклар, компьютер, телевизор, DVDлардан фойдалана бошланди. Бундан ташқари, коллежда учта компьютер синфи мажмуд бўлиб, информатика ва ахборот технологиялари дарслари айнан шу хоналарда ўтказилади.

Ўқув даргоҳида ўз ишининг ҳақиқий билимдонлари йиғилган, десак муболага бўлмайди. Ҳозирда 154 нафар ўқитувчи мураббий ўқувчиларга сабоқ бераёпти. Уларнинг бир нафари 2-даражали “Соғлом авлод учун” ордени, яна бир нафари “Жасорат” медали соҳиби, 5 нафари “Фидойи мураббий”, яна шунчаси “Соғлиқни сақлаш аълочилиси”, 4 нафари “Халқ таълими аълочилиси”дир. Улар орасида ўрта махсус касб-хунар таълими аълочилиси, олий тоифали ўқитувчилар ҳам бор.

Мафтуна Саидова коллежнинг иқтидорли ва билимдон ўқувчиларидан саналади. Яқинда у Зулфия номидаги Давлат мукофотига сазовор бўлди. Унинг “Универсал ҳассас” ижодий иши нуфузли кўрик-танловларда юқори баҳоланиб, имтиёзли диплом билан тақдирланди. “Баркамол авлод” спорт мусобақаларида волейбол бўйича қизлар жамоаси юқори натижаларга эришиб, ғолибликни сақлаб келишмоқда. Коллежда спортнинг армрестлинг тури бўйича ўзига хос мактаб яратилган. Армрестлинг бўйича ўқувчи қизларнинг 71 нафари республика чемпионатларида иштирок этиб, 50 дан зиёд олтин ва кумуш медалларни кўлга киритишган. Ўқувчилар орасида 2 нафар каратэ бўйича олтин ва кумуш медал совриндорлари ҳам бор. “Ўйла, изла, топ” интеллектуал ўйинининг

республика босқичида коллежнинг 5 нафар ўқувчиси иштирок этиб, фахрли биринчи ўринни эгаллади. Коллеж директорининг маънавий-маърифий ишлар бўйича ўринбосари Насиба Рўзиева яқинда ўтказилган “Йилнинг энг фаол маънавият тарғиботчиси” танловининг республика босқичида учинчи ўрин соҳибаси бўлди.

Каттакўрғон шаҳар транспорт касб-хунар коллежи ҳам вилоятда ўз мавқеига эга билим масканларидан биридир. Замонавий, кенг ва ёруғ ўқув хоналари, фан кабинетларига эга таълим масканида айни кунда 907 нафар ўқувчи тахсил олмақда. — Билим даргоҳи замонавий-лаборатория жиҳозлари, компьютер, лингфон хоналарига эга. Бу эса ўқув жараёнининг юқори савияда ўтишини таъминлайди, - дейди коллеж директори Зубайдулла Раҳмонов. — Ўқувчиларимиз таълим асосларини кунт билан эгаллаб, турли кўрик-танловларда муваффақият қозониб келаятганидан ҳар қанча фахрлансак арзийди. Коллежни тасмоялаётган ёшларнинг етарли билим ва малакага эга бўлишига ишлаб чиқариш корхоналари билан йўлга қўйилган амалий ҳамкорлик ўзининг ижобий самараларини бераёттир. Ўқувчилар шартнома асосида ишлаб чиқариш амалиётга жалб этилмоқда. Амалиётларни намунали ва сифатли ўтказиш учун 108 та корхона ва ташкилот билан ҳамкорлик шартномалари тузилган. Қувонарлиси, бу ерни битириб чиқаётган кўпчилик йигит-қизларнинг иши тайин. Ё-мой АЖ, Пахта заводи, “ММК-12”, “2518-Автокарон”, “Лада-Ваз”, “Электромонтаж”, “Каттакўрғон-Парранда” сингари корхоналар битирувчиларимизни доимий иш билан таъминлашга тайёр. Ўтган ўқув йилида коллежни 261 нафар ўқувчи битирди. Уларнинг 236 нафари ишли бўлди. Қолганлари эса олий ўқув юртиларида тахсилни давом эттиришмоқда. Уларнинг ичиде тадбиркорлик фаолиятини йўлга қўйганлари ҳам бор.

Ўтган йиллар давомида Каттакўрғон иқтисодиёт коллежи ҳам халқ хўжалиги учун кўплаб малакали мутахассисларни тайёрлаб берди. Ушбу билим даргоҳи нуфузи жиҳатидан вилоятда етакчи ўринлардан бирини эгаллайди. Бу ерда нафақат вилоят, балки Навоий, Жиззах, Қашқадарё вилоятларидан келган ёшлар ҳам тахсил олишади. — Таълим сифатини ошириш бўйича коллежда аниқ чора-тадбирлар белгилаб олинган, - дейди коллеж директори Хуршида Каримова. — Унга кўра барча йўналишлар бўйича ДТС асосида ички ўқув режалари ва фан дастурлари ишлаб чиқилган бўлиб, талабаларнинг чуқур билим олишига кенг йўл очилган. Ўқитувчилар томонидан ўтиладиган барча фанлардан маъруза матни, таянч конспектлари, текстлар тўплами, йўғма жилдлар тайёрланиб, ўқувчилар фойдаланиши учун кутубхонага топширилган. Энг муҳими, электрон кутубхонада талабалар уларнинг электрон версиясидадан истиганча фойдаланишлари мумкин. Педагог мураббийлар дарс самарадорлигини

ошириш борасида “Ўқув амалиёти ва амалий ишларни бажариш учун топшириқлар тўплами”, “Талабаларнинг мустақил фикрлашларини ташкил этиш бўйича услубий кўрсатмалар” каби фанлардан электрон китоблар, шунингдек, замонавий мультимедиа воситаларидан ҳам унумли фойдаланишади.

— Коллежимизда ўқувчиларнинг дарсдан бўш вақтларини самарали ўтказиши учун барча кулайликлар яратилган, - дейди коллеж директорининг маънавий-маърифий ишлар бўйича ўринбосари Ақтам Файзуллаев. — 15 минг дон китоб фондига эга ахборот-ресурс марказимиз ёшлар ихтиёрида. Шу кунгача фан, спорт, бадий ҳаваскорлик ва тиқши-бичиш йўналишидаги 30 та тўғарака 600 нафар ўқувчимиз жалб қилинган. Ҳафтанинг ҳар жумасида талабалар учун “Маънавият соати” ташкил этилиб, унда “Президент асарларини ўрганамиз”, “Ўз ўйининг ўзинг асра”, “Соғлом турмуш тарзи ва оила”, “Гийҳандлик — аср вабоси”, “Фуқаролик ҳавфсизлигини мустаҳкамлаш” каби мавзуларда махсус дарслар ўтказилади. Ўқув масканимизда маданий-маърифий ишларга эга алоҳида эътибор берилиб, ўтказилаётган ҳар бир тадбир ёшларни миллий истиқлол руҳида тарбиялашга, уларнинг онги ва дунёқарашини шакллантиришга, юксак инсоний фазилатларни сингдиришга ва эркин фикр юритишга қаратилган. Узлуқсиз таълимнинг муҳим босқичи бўлган коллежлар фарзандларимизнинг ўзи ёқтирган касб-хунар сирларини эгаллашда, энг муҳими, ҳаётда ўз ўрнини топишда асосий омили бўлиб хизмат қилмоқда.

Ориф ХОЛИКУЛОВ,
“Milliy tiklanish” мухбири

Кўргазма

Шакл ва мазмун уйғунлиги

Ўзбекистон Тасвирий санъат галереясида Камолитдин Бехзод номидаги миллий рассомлик ва дизайн институти ўқитувчиси, серкирра ижодкор рассом Азамат Хотамовнинг “Шакл ва мазмун” деб номланган кўргазмаси очилди.

Кўргазмадан ижодкорнинг ўттизга яқин графика, рангтаъсир ва 10 та ҳайкалтарошлик асарлари ўрин олган. Рассом ўз асарларини “Болалигимни ёд олиб”, “Нурга интилиб”, “Оила”, “Оналик”, “Она ва бола” ҳамда “Викор” деб номлаган. Мазкур кўргазмада ижодкорнинг шоғирдлари ҳам ўз асарлари билан қатнашишмоқда.

Санъатшунос Саодат Рўзиева таъкидлаганидек, ижодкор асарлари нафақат гўзал ва ёрқин ранглардаги образлари, шаклий мукамаллиги, балки инсон қалбининг турфа тароватини акс эттири олиши билан ҳам ажралиб туради, томошабин қалбининг тўридан жой олиб, фикрлаш ва гўзалликдан бахраманд бўлиш имконини беради.

Кўргазма жорий йилнинг 14 мартгача давом этади.

Ҳ.АБДУНАЗАРОВ

Миллий гурур

“Мустақил юртнинг бахтиёр боласиман”

дейди “Шухрат” медали соҳиби Тоҳиржон АСКАРОВ

— Бугун юртимизда ёшларнинг таълим олиши, ўз иқтидорини тўла намоён этиши йўлида яратилган чексиз имкониятлар сабаб жаҳон фан олимпиадаларида, халқаро спорт мусобақаларида, мусиқа ва санъат йўналишидаги нуфузли танловларда кўлаб тенгдошларим ғолибликни кўлга киритиб, жонажон Ватанимиз обрўсини оширмоқда. Замонавий таълим даргоҳлари, спорт иншоотлари, мусиқа ва санъат мактабларида тахсил олаётганимиз бизга ана шундай ҳадсиз имкониятлар бермоқда. Оиламизда мусиқачилар йўқ. Ойимнинг айтишларича, гўдаклик пайтимда аллани ҳамма болалар сингари тингламаган эканман. Барча болалар аллани эшитибок ўхлаб қолса, мен кўшиқ эшитаётгандек ётаверарканман. Телевизор орқали мохир бастакорлар чолғу асбоблар чалаётганида уйнаётган уйинчоқларимни ташлаб, диққат билан томоша қилган эканман.

Пианинони илк бор тоғамнинг уйларида кўрганман. Унда 4 яшар болакей эдим. Чолғу асбоби кўзимга шу қадар улкан кўрингандики, унинг клавишларига қўлимни текказишим билан ундан ажиб оҳанглар тарала бошлади. Бу тушунарсиз товушлар пианинога қизиқишимни уйғотди. Шундан сўнг, ота-онам мени Р.Глиер номидаги мусиқа мактабига беришди. Ушанда ўзимни ҳақиқий мусиқа оламига тушгандек ҳис қилдим. Ва бор кучимни таълим олишга сафарбар этдим. Таълим жараёнида машҳур пианиночилар ижодини ўрганиб, уларга ўхшашни, улар каби бўлишни дилимга тугдим. 10 ёшимда Бах, Бетховен сингари классик бастакорларнинг куйларини ижро этиб, ёш ижрочилар ўртасида ўтказилган “Le Muse” Италия мусиқа кўрик-танловида иккинчи ўринни кўлга киритдим. Юртга қайтгач, мени қутилмаган совға билан қарши олишди. Юрбосимиз томонидан Президент стипендияси, пианино ҳамда компьютер билан тақдирландим. Тўғриси, мен учун бундан олий шараф, бахт йўқ эди. Уйимизни тўлдир турган пианино қаршисида ўтириб, Ватаним довруғини жаҳонга ёйишга ўз хиссамни қўшаман, деб ният қилгандим. Ниятим амалга ошди: ушбу пианино менга омад келтирди — Италия, Германия, Франция мамлакатларида ўтказилган бир нечта нуфузли танлов ва фестивалларда иштирок



этиб, фахрли ўринларни эгаллаб қайтдим. Хусусан, Германиянинг Берлин шаҳрида ўтказилган “Storanzo” ёш мусиқачилар халқаро кўрик-танловида иштирок этдим. Унда дунёнинг ўттиздан зиёд давлатидан тўққиз ёшдан ун сақкиз ёшгача бўлган юзга яқин мусиқачи қатнашди. Танловда ўз истеъдодимни намоён этиб эканман, аввалига биров кўркув босди. Ахир, мен юрт шаънини ҳимоя қилаётган эдим-да. Пианино олдида турган байрогимизга кўзим тушиши билан, ортимда мени кўллаб-қувватлаб турган қанчадан-қанча юртдошларим борлигини ҳис этдим. Шунда кучимга-куч, шижоатимга шижоат қўшилгандай бўлди ва мен ғалаба қозондим. 2-ўринга лойиқ кўрилсам-да, Ўзбекистон вақили эканимдан, шундай халқаро фестивалларда иштирок этаётганимдан, мустақил юртнинг бахтиёр фарзанди эканимдан чексиз гурурландим. Айни дамда жорий йилда Германия ва Италия давлатларида бўлиб ўтадиган фортепиано бўйича ёш ижрочилар халқаро танловида иштирок этиш учун тайёргарлик кўраяман. Бугунги кун ёшлари қанча изланса, интилса шунча оз. Зеро, бизга берилган имконият ва шароитларнинг чеки-чегараси йўқ. Модомики, шундай экан, Ўзбекистон ёшларига юксак ишонч билдираётган Юрбосимиз, халқимизнинг ишончини оқлаш шарафли бурчимиздир.

“Milliy tiklanish” мухбири
Тўмарис АБЗАМ тайёрлади

Шахс ва жамият

Давр ва ёшлар

ҳамнафаслиги — замон талаби

учун етарли шарт-шароит ва унга мос ҳуқуқий асослар мавжуд. Ёшларнинг бундай имкониятлардан қандай фойдаланиши фақат ўзига боғлиқ. Жамиятнинг демократлашуви жараёнида ёшларга чексиз имкониятлар эшигини очди. Бугунги кун ёшлари ўзларини эркин ҳис этиши, мустақил фаолият кўрсатиши, бор қобилиятини ишга солиб, том маънода ўз тақдирини ўзи белгилашга ҳақли. Энг муҳими, ёшларда жамият ҳаётига дахлдорлик, миллат ва мамлакат тақдирига бепарво бўлмаслик ҳисси шаклланиб, ёшлар қалбини келажакка ишонч, жамиятда ўз ўрнига эга бўлиш каби юксак туйғулар эгаллади.

Шу нуктаи-назардан бугунги кундаги асосий вазифамиз Юрбосимиз таъбири билан айтганда, ёшларнинг мустақил фикри ва дунёқарашини шаклланишига қўмаклашиш, ҳаётда ўз позицияси ва ёндашувини қатъий белгилаб олишга ёрдамлаштириш, уларнинг онгли ва билимли қилиб тарбиялаш, ён-атрофдаги воқеаларга бепарво бўлмаслик, дахлдорлик туйғуси билан яшашга ўргатишдан иборат.

Бугунги кунда ёшларнинг фуқаролик позицияси ўзини ўзи тарбиялаш, бошқара олиш каби хусусиятларда намоён бўлади. Ёшлар доимий равишда сиёсий-ҳуқуқий адабиётларни ўқиб бориши билан ҳақиқий фуқаро-

лик позициясига эга бўладилар ва кейинчалик сиёсий ҳаётда ҳам унинг самарасини кўрадилар. Ўзини ўзи тарбиялаш ва бошқаришда сиёсий адабиётларни ўқиб боришнинг аҳамияти катта. Қолаверса, сиёсий билимларни назарий жиҳатдан ўзлаштирибгина қолмай, уни амалиётда қўллаш ҳам керак. Бунинг учун эса ёшлар сиёсий тадбирларда доимий равишда иштирок этмоғи лозим. Шундагина ижтимоий-маданий, сиёсий етуқ ва ижтимоий фаол ёшлар ўзининг мустақил фуқаролик позициясига эга бўлади, жамият ҳаётида эркин ва тўғри фаолият юритади.

Мутахас айтганда, бугунги кунда ёшларнинг тафаккури ва дунёқарашини анча ўзгарди. Уларнинг сиёсий ва ижтимоий онги, умумий савияси изчил равишда юксалиб бормоқда. Шундай экан, аҳолининг катта қисмини ташкил этувчи ёшлар ижтимоий-маданий, сиёсий фаоллиги билан истиқболдаги тараққиёт асоси, пойдеворини яратди ва мустаҳкамлигини таъминлайди.

Дилрабо ФАЗИЛОВА,
Норпўлат АХМЕДЖОНОВ,
Илхом УБАЙДУЛЛАЕВ,
Жиззах вилоят педагог кадрларни қайта тайёрлаш ва малакасини ошириш институти ўқитувчилари,
ЎзМТДП аъзолари

Мурожаатдан сўнг

Ногиронлик ҳуқуқи қайта тикланди

Самарқанд вилоят Ургут тумани “Жартепа” қишлоқ фуқаролар йиғинига қарашли Муғол қишлоғида истиқомат қилувчи Эркин Аслонов газетамизга турмуш ўртоғи Муслима Жўраеванинг ногиронлик ҳуқуқини қайта тиклаш борасида тегишли идораларга қилган мурожаатлари жавобсиз қолаётгани ҳақида ариза-шикоят йўллаган эди. Таҳририят унинг мурожаатини ўрганиш учун республика Соғлиқни сақлаш вазирлигига юборганидан сўнг Самарқанд вилоят соғлиқни сақлаш бошқармаси томонидан қўйидаги мазмунда жавоб мактуби олинди.

“Эркин Аслоновнинг турмуш ўртоғи Муслима Жўраевага 1996 йил 2 январь кuni Самарқанд вилоят собоқ 1-сон жараҳатлар ТМЭК мутахассислари томонидан тиббий кўрик ўтказилиб, “Бош мия жараҳати асорати. Жараҳатдан кейинги бош мия арахноити кучли гипертензион синдром ва тез-тез тақорланувчи тутқаноқ хуружи ҳамда чакка суягининг 7x7 дефекти” ташхиси билан 2-гурӯх ногиронлиги мuddатсиз белгиланган. М.Жўраева 2013 йили июль ойига қадар ногиронлик нафақасини олиб келган. Лекин М.Жўраеванинг яшаш манзили ўзгарганлиги, яъни Ургут тумани “Жартепа” ҚФЙ, Муғол қишлоғига турмушга чиққанлиги сабабли, унга берилган нафақа Тайлоқ туман аҳолини ижтимоий муҳофаза қилиш бўлими томонидан тўхтатиб

қўйилган. Шундан сўнг Эркин Аслонов 61-сон Ургут туман ТМЭКка М.Жўраеванинг ногиронлик ишини Самарқанд туманлараро 56-сон ТМЭКдан Ургут туман 61-сон ТМЭКка кўчириш учун мурожаат қилганидан сўнг унга бунинг учун тегишли ҳужжат ва маълумотномалар кераклиги тушунирилган. Лекин Э.Аслонов бу борада бошқа мурожаат қилмаган.

Ногиронлик ҳужжатларини тиклаш мақсадида фуқаро М.Жўраева Ургут туман кўп тармоқли марказий поликлиника томонидан тўлиқ тиббий кўриқдан ўтказилиб, ногиронлик белгилари бўлганлиги сабабли 2013 йил 16 ноябрь кuni “Жараҳатдан кейинги бош мия арахноити кучли гипертензион синдром ва тез-тез тақорланувчи тутқаноқ хуружи ҳамда чакка суягининг 7x7 дефекти” ташхиси билан №1749 сонли 088x шаклдаги йўлланма тўлдирилди, 18 ноябрь кuni Ургут туман 61-сон ТМЭКка тақдим этилди.

Айни пайтда М.Жўраевага 2-ногиронлик гуруҳи қайта белгиланди ва нафақаси тикланди.”

Б.ИГАМБЕРДИЕВ,
Самарқанд вилоят соғлиқни сақлаш бошқармаси бошлиғи

Бизнинг шарҳ

СИЁСИЙ КУЧЛАР

ислохотлар жараёнида фаол иштирок этмоқда



camoietik.ru

Бразилия миллий конгресси — парламент икки палатадан иборат. 30 га яқин етакчи партиялар мамлакат ижтимоий, сиёсий, иқтисодий ва маданий ҳаётида фаол иштирок этиб келаётган. Айни пайтда етакчилик қилаётган Лейбористлар (Меҳнаткашлар) партиясига қараганда, Бразилия социал-демократик ҳаракати аъзолари кўпчилик (2 миллион нафардан ортиқ)ни ташкил этади. Амадаги президент Дилма Роуссеффга мансуб “Меҳнаткашлар партияси”нинг эса 1 миллион 400 минг нафардан ортиқ аъзоси бор. Социал-демократик партия сафида 1 миллион 150 минг, Демократик ишчи партиясига 975 минг, Ишчи партиясига 955 минг, Либерал консерваторлар-христиан демократик партиялар аъзолари сони эса 944 минг нафарни ташкил этади.

сига асос солинган бўлиб, у жамиятда тенг ҳуқуқлилик, мамлакатни демократлаштириш, иш билан таъминлаш ва ерларни тақсимлаш ғоясини илгари суриб келган. Улар ерсиз ва кичик ер майдонига эга деҳқонларга ер ажратилиши, иш ўринларининг сақланиши, меҳнаткашлар манфаатлари ва ҳуқуқларини ҳимоя қилиш, қашшоқликни тугатиш, кенг халқ оммасининг сиёсатдаги ўрни кенгайтирилишини талаб қилишган. 2002 йилги сайловдан сўнг етакчилиги кўлга олган “Меҳнат”чилар иқтисодий ва ҳуқуқий ҳимояси борасида бошлаб юборилган жараёни тўхтатмасликка қарор қилди. Социал-демократик партия 1988 йили Бразилия демократик ҳаракат партияси сафидан ажралиб чиққач, бозор иқтисодиёти тамойиллари асосида иш юритиш, мулкдорлар сафини кўпайтириш ва бир вақтнинг ўзига мулкчиликнинг кооператив шаклини ривожлантиришни мақсад қилган. Бундан ташқари, аграр соҳани ислоҳ қилиш, ижтимоий адолат, бепул таълим тизимини жорий этиш, янги иш ўринларини ташкил этиш, ойлик маошларни ошириш, ишсизлик нафақасини тўлаш, тадбиркорлар ва ёлланма ишчиларни муромага келтириш тарафдори саналади. Мамлакатнинг биринчи демократик президенти сифатида тан олинаётган таниқли социолог Фернанд Кордоза ўтган 8 йиллик бошқаруви даврида иқтисо-

дий ислохотларни изчил амалга оширишга интилди. Хусусан, пенсия тарофдори. Социал демократлар партияси эса ўрта табақа ва фуқаролик жамияти манфаатларини кўзловчи мамлакатдаги рақобатчи партиялардан бири дея эътироф этилган. 1995 йили Бразилия коммунистик партияси томонидан тасдиқланган дастурда давлатнинг иқтисодий таъсирини кучайтириш, банклар, ишлаб чиқариш корхоналарини ҳукумат назоратига ўтказиш, хусусий корхоналарда ишчи назоратини ўрнатилиши, режалаштириш ишларини жорий этиш кўзда тутилган. Либерал консерваторлар-христиан демократик партия ва Социал демократлар ташаббуси билан ҳозир қатор ижтимоий дастурлар амалга татбиқ этилмоқда. “Оилавий жамғарма” дастурига кўра, 11 миллион нафар-

дан ортиқ фуқарога моддий ёрдам кўрсатилаётган. “Чегара билмас фан” мақсадли дастури эса хориждаги етакчи олий ўқув юртрларида йигит-қизларнинг таълим олишини таъминлаш, ўқитувчи-талабалар алмашинуви борасида халқаро ҳамкорликни йўлга қўйиш, инновация билим даражасини ошириш, хорижлик иқтидорли ёшлар, олимлар ва тадқиқотчиларнинг Бразилияда ишлашларини таъминлашга йўналтирилган. Бразилияда 200 нафардан ортиқ тиллар мавжуд бўлса-да, аҳолининг 80 фоизи португал тилида сўзлашади. Коммунистлар партиясининг савий-ҳаракати билан ҳақ-ҳуқуқлари камситилган оз сонли миллат-этнолар энди бемалол ўз тилларида гаплашади ва ёза олади.

“Меҳнаткашлар партияси” иқтисодий соҳасидаги муаммолар, аҳолининг эҳтиёжманд қатламини ижтимоий муҳофаза қилиш борасида коммунистлар томонидан тўпланган иш тажрибаларидан фойдаланаётгани сир эмас. Етакчи партия илоҳи борича таълим сифатини яхшилаш, ҳукуматга қарашли таълим тизимларида ишлаётган педагоглар маошини оширишга эътибор қаратмоқда. Соғлиқни сақлаш тизимида ҳам ечимини кутаётган масалалар талайгина. Бразилия олий ўқув юртрларини тамомлаётган шифокорларнинг қишлоққа бориб ишлагиси йўқ. Ҳолбуки, қишлоқларда яшовчилар мамлакат умумий аҳолисининг тахминан қирқ фоизини ташкил этади. Шу боис Бразилия четдан малакали тиббиёт ходимларини ишга чорлашга мажбур. Чет эллик мутахассисларга эса катта пул тўлашга тўғри келади.

Айни пайтда коммунистлар партияси “Меҳнаткашлар партияси”дан чиққан амалдаги раҳбар Дилма Роуссефф томонидан олиб борилаётган ислохотларни ҳар томонлама қўллаб-қувватлаб келмоқда. Айниқса, Бразилиянинг ташқи қарзини узиш, аҳолини ер билан таъминлаш, ижтимоий кафолатларни ошириш, солиқ соҳасида олиб борилаётган ислохотлар муҳолифат партияларини ҳам бефарқ қолдирмаяпти.

“Меҳнаткашлар партияси” оддий бразилияликлар фаровонлигини таъминлашни асосий мақсадларидан бири деб билади. Партия ҳарбий ҳаво кучлари учун қирувчи самолёт сотиб олиш ўрнига “Очликка қарши” озик-овқат хавфсизлик дастурини афзал кўрди. Зеро, бунга асос бор. Маълумотларга кўра, шу пайтгача мамлакат аҳолисининг 46 миллион нафарга яқини тўйиб овқатланмапти. 500 та оилага ҳар ойда 50 реалдан маблағ тарқатилмоқда. Уй-жой қуриш, саводсизликни тугатишга ҳам бефарқ қаралмаяпти. Нефть конларидан олинаётган даромаднинг бир қисми қашшоқликни тугатишга ажратилаётган. Бразилияда коррупцияни тағ-томири билан қўпориб ташлаш бугунги кунда етакчилик қилаётган Меҳнаткашлар партиясининг асосий ва долзарб масалаларидан бирига айланган.

Азимжон ПУЛАТОВ

Банқда қисқартиришлар

Буюк Британиянинг “Barclays” банки 10 минг нафар ходим билан тузилган меҳнат шартномаларини бекор қилишни маълум қилган.

Бунга банкнинг 2013 йилдаги кўрсаткичлари анча тушиб кетгани сабаб бўлган. Хусусан, ўтган йил олинган даромад ҳажми 2012 йилдагига нисбатан 2,6 миллиард фунт-стерлингга камайган. Банкдаги қисқартириш рўйхатида 230 нафар директор ва 677 нафар топ-менеджер ҳам киритилган.



Австралияда ўрмон ёнғинлари

Қурраи заминнинг кўп ҳудудларида қаҳратон қиш ҳукм сураётган бир пайтда Австралия жанубидаги Виктория штатида кучли ўрмон ёнғинлари юз бермоқда.


Маълумотларга қараганда, ҳозир 30 дан ортиқ тулар-жой биноси ёниб кетган, 307 минг гектар майдонлар жиддий зарар кўрган. Худуд ҳавосини куюқ тўтун қоплагани боис Мельбурн шаҳридаги халқаро аэропорт вақтинча ёпилган.



Янги галактика

Олимлар томонидан “Хаббл” телескопи ёрдамида янги галактика кашф этилди.

У “ИС 34 18” рақами билан белгиланди. Қизиги шундаки, галактиканинг кўриниши худди меузага ўхшайди. Ҳисоб-китобларга кўра, сайёрамиздан “янги меуза”га булган масофа 55 миллион ёруғлик йилга тенглиги аниқланди.



Об-ҳаво халал бермоқда

Жанубий Кореядаги бино қорни кўтара олмай, қулаб тушган.

Мамлакатнинг Кёнчжу шаҳрида бинонинг қулаб тушиши оқибатида 100 дан ортиқ одам жароҳатланган, қариб 20 киши бедарак йўқолган, ҳалок бўлганлар ҳам бор. Фожеа юз берган пайтда бинода талабаларга бағишланган кеча ўтказилаётган эди. Тахминларга кўра, маросимда 500 га яқин талаба қатнашган. Маҳаллий ОАВ вакилларининг хабарига кўра, кутқарув ишлари ва жароҳатланганларни эвакуация қилишга об-ҳаво халал бермоқда. Жароҳатланган талабаларнинг умумий сони 112 нафарни ташкил қилган. Айни дамда воқеа жойида кутқарув хизматининг 400 нафар ходими қидирув ишларини давом эттиришмоқда.



Интернет хабарлари асосида Асила ИБРАГИМОВА тайёрлади

Рангин дунё

Ғарбий Европада жойлашган давлат-қироликнинг умумий майдони тахминан 41 минг квадрат километр. Шарқда Германия, жанубда Бельгия билан чегарадош Нидерландиянинг ғарбий ва шимолий қирғоқларини Шимолий денгиз сувлари ювиб туради. Бу мамлакат кўпчиликка Голландия номи билан ҳам машҳур. Сабаби, Голландия XVI асрдан бери Нидерландиянинг энг йирик провинцияларидан (республикада жами 7 та провинция бор) бири ҳисобланади.

Нидерландия пасттекистиклада жойлашгани боис, бир умр Шимолий денгиз сувлари билан курашиб яшайди. Нидерландия худудининг тенг ярми денгиз сатҳидан анча пастда бўлиб, тўғону тошқинлар доимий равишда кутку солиб туради. Айтиш жоизки, шу кунгача Нидерландия санъат соҳасида улкан ютуқларни кўлга киритиб келган. Пойтахти Амстердам мўйқалам ва адабиёт аҳлининг илҳом манбаи ҳисобланади. Бироқ, мамлакатнинг энг катта ютуғи - тўғон устига қурилган Нидерландия шимолий денгиз муҳофазасидир. Айнан шу иншоот туғайли нидерландияликлар ўз ерларини асраш ва кўпайтириш имкониятига эга бўлди.

Дарҳақиқат, меҳнатсевар нидерландларнинг ота-боболари тўғон ва дамбалар қуриб кетмаганларидан кўп қисми — денгиз сатҳидан куйироқда бўлган Нидерландиянинг тахминан тенг ярми сув остида қолиб кетиши тайин эди. Бу ердаги шафқатсиз бўронлар сув сатҳини кўтариб бўлди ва унинг ўзанларини тез-тез тошириб туради. Гарчи соҳил бўйи худудларининг ҳаммаси хавф остида бўлса-да, улардан иккитаси энг заифи ҳисобланади. Булар сув сатҳи ҳаммаша юқори бўлган кичик Зуйдер Зи кўлтиги ҳамда мамлакатнинг жануби-ғарбий бурчагидаги Райн ва Меуз дарёлари дельтасидир.

Нидерландия Шимолий денгиз муҳофазаси

Зуйдер Зи кўлтигини ўраб турган тўғон оддий аънавий материаллардан фойдаланилган ҳолда икки қисми қуриб қурилган. 1923 йилдан бошлаб ишчилар ушбу қатламларда валун (тоғ жинсларининг бўлаклари) ётқиздилар. Бўш жойларни тўлдириш учун тош, қум ва шағалдан фойдаланиб, тўсиқларни кўтариб, ерларни бутазорларга айлантиришга уринишди. Емирилишининг олдини олиш мақсадида йирик тошлар занжири ёрдамида мустаҳкамланди ва сувга чўктирилди. Кўтарма йўлдан 7 метр баландликда, денгиз сатҳидан 90 метр



кенгликдаги жойда асосий дамба қуриш ишига экскаватор, кран, хизматчи кема ва юк ташувчи ясси кемалар жалб қилинди. Тўғон қурилганидан кейинги иш захни қочириш бўлди. Олдинги Зуйдер Зи кўлтигидан кўтарилган жами 200 000 гектар ер ўзлаштирилди. Янги ерлар ёш фермерлар ўртасида талаш бўлди. Чунки янги ерлар аввалги қуруқликларга қараганда анча унумдор, фермерлик фаолиятини юритиш учун барча шароитлар етарли эди. “Зуйдер Зи” лойиҳаси туғайли кўлтиқ сувларидан Эйсселмер кўли ҳосил қилинди. Бунинг натижасида мамлакат қўшимча 1650 квадрат километр қуруқликка эга бўлди.

1953 йили Шимолий денгиз ҳамда Нидерландия томон уввос солиб келган “аср тўғони” дамбанинг қудратини яна бир бор синовдан ўтказди. У баъзи жойлардаги кўтарма йўлларга зарар етказди, холос. Лекин, мамлакатнинг химояланмаган жануби-ғарбий вилоятлари тўғон гирдобиди қолди. Ушанда сув денгиз қирғоқларидан тошиб, 1800 нафардан зиёд аҳолининг бошига етганди. Минглаб ҳайвон ва ўсимликларнинг йўқолиб кетишига олиб келди.

Шундан сўнг, мамлакат жануби-ғарбий дельтасини химоялашга мўлжалланган узоқ муддатли режа тузилди. Дельта режаси ёхуд лойиҳаси бир неча босқичларда амалга оширилди. Шимолда Роттердам, жандубда Антверпен ҳамда Бельгия учун очик каналлар қолдирилиб, дельта ўртасида 4 та дамба қуришга киришилди. Устершилд ўзанларидаги 3,2 километр узунликдаги кўтарма тўсиқ лойиҳанинг энг мураккаб ва нозик қисми эди.

Даставвал, Устершилд ёпиқ тўсиқ бўлиши керак эди. Лекин балиқчилар ва экологларнинг талабларини қондириш мақсадида у сўрилувчи тўсиқга ўзгартирилди. Ишни энгиллаштириш учун муҳандислар ўзанларга кўтарма ороллар шаклини беришди, қурилиш бандаргоҳлари, материал сақловчи ва ишланган тўғонлар ҳосил қилинди. Дамба икки оролни ўзаро боғлаши натижасида ўзанларда учта канал очилди. Шу-шу уларнинг ҳар бирига кўтарма тўсиқнинг бир қисмидаги сув келиб қуйиладиган бўлди. Сўрилувчи тўсиқнинг ҳар бири 18 000 тоннадан иборат 65 та бетон тиргаклардан ташкил топган. Устунлар 300-500 тонна пўлат дарвозалар, гидравлик усуналар, шунингдек, кўтарма йўл ва юк кўтаришга чидамли тўсинларни ушлаб туради. Барча керакли жиҳозлар ўрнатиб

Зафар МУҲАММАД

Тоғ райхон

Ўсимлик ўтида 0,6 % эфир мойи, уруғларида 25 фоизгача ёғли мой, шунингдек, 10,7 % катрон моддалар, 0,7 % тритерпен кислоталар, 1,35 % кумаринлар, 6% полифенол бирикмалар, 3,2 % флавоноидлар бор.

Халқ таботатида тоғ райхон қайнатмаси ва дамламалари подагра, нафас олиш органларининг яллиғланиши, шунингдек, ҳар хил неврозларда тинчлантирувчи восита сифатида қўлланилади. Қолаверса, тоғ райхон иштаҳани очиб, тангага куч-қувват беради. У тана аъзоларидаги тикилма ва тугунларни очди, балғам ва хилтни ҳайдайди. Тоғ райхон ҳўл анжир суви билан ейилса нафас қисси ва йўталга даво. Қуруқ анжирга қўшиб еганда эса танани терлатади, инсоннинг ранги-рўйини очди. Бундан ташқари, ўсимлик холецистит, гастрит, ярали колит, қорин дам бўлиши, бронхит, зотилжам каби касалликларда наф беради. Аънаввий тиббиётда тоғ райхон ўтидан меъда безлари ишини кучайтириш, ўт ҳосил бўлишини кўпайтириш, шунингдек, ўтдаги холестерин микдорини камайтиришда кенг фойдаланилади. Тоғ райхони тиш оғриқларини қолдириш, оғиз бўшлиғи яллиғланишини даволаш хусусиятига ҳам эга.



БИЛАСИЗМИ?

Ҳар йили дунё океанига ташланган чикинди микдори у ерда овланадиган балиқлар оғирлигининг уч бараваридан-да ошади.

Метрополитен бекатларида мавжуд ҳавонинг 15 фоизга яқини инсон терисидан ажралган зарралардан иборат.

ТУРФА ОЛАМ

Сирли қоғоз

ХИТойЛИК КИМЕҒАРЛАР АНТИҚА ХУСУСИЯТГА ЭҒА НОЁБ ҚОҒОЗ ТУРИНИ КАШФ ЭТИШДИ.



Ишланма муаллифларининг таъкидлашича, ушбу қоғоз сирининг "сиёҳи"да экан. Ҳаммаси сиз ўйлагандек мураккаб эмас. Сирли қоғозга оддий сув билан ёзилади. Қоғоздаги ёзувлар ўз-ўзидан пайдо бўлади ёки маълум муддатда ўчиб ҳам кетади. Цилинь университетини вакили Шон Сяон-Ань Чжаннинг гапига қараганда, сирли қоғоз таркибиде кўринмас сиёҳ кукунчи бор экан. Қоғозга сув билан ёзилган пайти сиёҳ иш бериб, матн ёки ёзувлар кўрина бошлайди. Ҳозирда олимлар ушбу технологияни нусха кўчириш аппаратларига мослаштириш устида иш олиб боришмоқда. Тажриба қўтилган натижани берса, компьютерда терилган матнлардан нусха олиш, шунингдек, принтер орқали чоп этиш имконияти пайдо бўларкан.

Бинафшаранг помидор

ШИФОБАХШ ДЕЯ ЭЪТИРОФ ЭТИЛАЁТГАН БУНДАЙ ПОМИДОР ҲАҚИҚАТАН ҲАМ БИНАФШАРАНГ ТУСДА БЎЛИБ, КАНАДАДА ЕТИШТИРИЛГАН.



Британиялик олимлар изланишлари маъсули бўлмиш бинафшаранг помидор юрак-қон томир касалликларини даволаш учун мўлжалланган. Унинг таркибиде антоцианларнинг кўпчилиги саратоннинг олдини олиши. Олимларнинг айтишича, помидорда бинафшаранг тусдаги бир неча ўрмон меваларида мавжуд моддалар бор. Шу боис, у ана шундай рангга кирган. Айни пайтда бинафшаранг помидорлар Буюк Британияда синовдан ўтказилмоқда. Яқин кунларда бундай помидорлар ва ундан тайёрланган шарбатлар дўкон пештахталаридан жой олиши кутилаётир. Қолаверса, олимлар шунга ўхшаш бошқа шифобахш меваларни ҳам яратишни мақсад қилишган.

З.ЗОИРЖОНОВ тайёрлади

Тошкент шаҳар ҳокимияти йўловчи транспортларининг барча турлари ҳаракатини лицензиялаш ва мувофиқлаштириш департаменти томонидан 2013 йил 13 июнда Рафик Шаназаровга берилган O'zR № 001394 рақамли гувоҳнома йўқолганлиги сабабли бекор қилинади.

Маданият ва спорт

Ўзбек халқ амалий санъати намойиши

Ҳиндистонда иш бошлаган XXVIII "Суражкунд Графтс Мела" фольклор ва халқ амалий санъати халқаро фестивалида дунёнинг 20 дан зиёд давлатидан келган ижодий жамоалар, халқ амалий санъати усталари иштирок этмоқда. Улар орасида бизнинг юртдошларимиз ҳам бор.

Халқ амалий санъатига бағишланган кўргазмада мамлакатимиз салоҳиятини "Хунармад" уюшмаси аъзолари М.Нигматов, Т.Саидкулов ва А.Раҳматуллаев бошчилигидаги кўлигул усталар гуруҳи намойиш этишмоқда. Улар томонидан тайёрланган ўзбек миллий либослари, сўзана, дўппи, ипак матодан тикилган рўмол ва бошқа халқ амалий санъати намуналари фестивал иштирокчиларини бефарқ қолдирмаяпти. Қолаверса, фестивалда "Ўзбекистон" ашула ва ракс гуруҳининг концерт дастури тақдим этилди. Жамоа вақиларининг "Муҳаббатим" ва "Анджонча" деб номланган ҳозирги рақслари, созандалар ижросидаги "Сурнай навоси" ҳамда "Доира рақси" тадбир иштирокчилари-ю меҳмонларнинг гулдурос қарсақларига сазовор бўлди.

"Жаҳон" АА

Монументал асарлар кўргазмаси

Ўзбекистон Бадий академияси Марказий кўргазмалар залида Ўзбекистон халқ рассоми, ҳайкалтарош Жалолиддин Миртожиевнинг ижодий ишлари кўргазмаси ташкил этилди.

Ж.Миртожиев Камолитдин Бехзод номидаги Миллий рассомлик ва дизайн институтида кўп йиллардан бунён талабаларга тасвирий санъат сирларидан сабоқ бериб келаётир. У мамлакат ва халқаро миқёсдаги кўргазмаларнинг фаолиштирокчиси. Мусаввир меҳнати давлатимиз томонидан юксак баҳолаб, "Ўзбекистон халқ рассоми" унвонига сазовор бўлган. Бугунги кунда ўзбек ҳайкалтарошларининг улуг мутафаккирларимизга эҳтиром рамзи сифатида ишлаган монументал санъат асарлари нафақат юртимиз, балки хорижий давлатларда ҳам салобат тўкиб турибди. Хусусан, Ж. Миртожиевнинг Алишер Навоий, Камолитдин Бехзод, Мирзо Улуғбек, Абу Али ибн Сино, Аҳмад Фарғоний хотирасига бағишланган ҳайкаллари дунёнинг қатор шаҳарларида ўрнатилгани бундан ёрқин ифодасидир.

Кўргазмада ҳайкалтарошнинг қирқдан ортиқ асарлари намойиш этилмоқда.

Гиламда ёш полвонлар

Пойтахтимизда дзюдо бўйича болалар ўртасида ўтказилган очиқ турнида мамлакатимизнинг барча ҳудудидан 300 нафардан ортиқ истеъдодли ёш спортчи ғолиблик учун куч синашди.

10-11 ёшли болалар ўртасидаги беллашуларда ўз вазн тоифасида барча рақибини енган пойтахтлик Ҳасан Турсунов, Бухоролик Диёрбек Фармонов, Диёрбек Давронкулов, жиззахлик Шаҳзод Жўраев, қашқадарёлик Мухаммад Турсунов, самарқандлик Асрор Ганиев ва Тошкент вилояти вакили Баҳром Йўлдошев шохсупанинг энг юқори поғонасига кўтарилди. 12-13 ёшли болалар мусобақасида Кўкон дзюдо мактаби тарбияланувчилари энг кўп олтин медални қўлга киритди. Мусобақа якунига кўра, Фарғона вилояти вакиллари умумжамоа ҳисобида биринчи ўринни, Бухоро ва Тошкент вилоятлари спортчилари кейинги ўринларни эгаллашди.

Музейларимизда

Ўтмиш ва келажак бирлашган маскан

Музейлар — тарих кўзуси. Унда халқнинг моддий ва маънавий мероси намуналари сақланади. Ўтмишни келажак билан боғлайдиган бу масканлардаги ҳар бир экспонат диққатга сазовор. Улар юрт тарихи ҳақида сўзловчи далилий ашёлардир. Истиқлол йилларида халқимизнинг маънавий мероси, маданияти ва санъатининг бетакрор намуналарини ўзида сақлаб келаятган музейларимиз фаолияти тубдан янгиланди. Президентимиз ташаббуси билан миллий ва замонавий услубга эга янги музейлар барпо этилди. Таъмирталаб музей бинолари қайта реконструкция қилиниб, моддий техник базаси янгиланди, янги экспонатлар билан бойиди.



Самарқанд давлат бирлашган тарихий-мемориал ва бадий музей-қўриқхонаси биноси тўлиқ таъмирланиб, 2013 йилнинг сентябрь ойида фойдаланишга топширилди. Музей-қўриқхона таркибига — 8 та музей, 6 та тарихий обида ва 2 та зиёратгоҳ қиради. Бугунги кунда музей-қўриқхона фондида 211 мингдан ортиқ экспонат сақланмоқда. 2012 йилда музей-қўриқхонага 800 мингдан зиёд томошабин ташриф буюрди. Музей-қўриқхона залларида ҳар йили 20 дан ортиқ турли кўргазмалар ташкил этиб турилади. Унинг тизимида 269 нафар ходим меҳнат қилиб, шундан 56 нафари илмий ходимлардир. Музей-қўриқхона вазифасига тарихий экспонатларни тўплаш, уларни ўрганиш ва сақланишини таъминлаш, илмий текшириш ишларини олиб бориш, экспозициялар тайёрлаш, кўргазмалар очиш, маданий-оқартув ва ноширлик ишларини олиб бориш, музей-қўриқхонани ривожлантириш шу ун ҳорижий ва халқаро ташкилотлар ҳамкорлигида ишлар олиб бориш, сайёҳларни жалб этиш каби ишлар қиради. Музей-қўриқхона мажмуи Ўзбекистон маданияти тарихи давлат музейи, вилоят ўлкашунослиги ва Афросиёб шаҳарчасидаги Самарқанд шаҳрига асос солиниши тарихи музейлари, Мирзо Улуғбек ва Садритдин Ай-

нӣ ёдгорлик музейлари, Каттакўрғон шаҳар тарихий-ўлкашунослик, Иштихон ва Пахтачи туманлари тарихи музейлари, Амир Темуր мақбараси, Бибиноним мажмуаси, Ҳазрати Хизр масжиди, Нодир Девонбеги мадрасаси ва Хўжа Дониёр мақбарасидан иборат. Музей-қўриқхона тарихий-маданий ва бадий ёдгорликларни сақлаш, тадқиқот, тарғибот ва ташвиқот қилиш бўйича кенг қўламли ишлар олиб бормоқда. Унинг таркибиде тарихий ёдгорликларни аниқлаш, уларни ҳисобга олиш ва давлат ҳимоясига киритиш ишларини амалга оширувчи, шунингдек, архитектура ва археология ёдгорликларини сақлаш ва улардан фойдаланиш муаммолари билан шуғулланувчи назорат инспекцияси мавжуд. Ҳозирги пайтда музей-қўриқхона ҳисобиде жами 2300 та маданий мерос объектлари бўлиб, улардан 1500 таси археология, 650 таси мезморий ва 150 таси монументал ёдгорликлардир. Шунингдек, Самарқанднинг яхлит тарихий-мезморий қиёфасини сақлаш мақсадида музей-қўриқхонанинг муҳофаза чегаралари ҳам аниқланган.

Музей ходимлари Ўзбекистон Республикаси аҳолиси ва хорижий меҳмонлар орасида музейда сақланаётган маданий мерос бойлиқларини тарғиб қилиш бўйича ҳам ишлар олиб



бормоқдалар. Музейнинг очик орасида остидаги экспонатлари орасида қишлоқ ҳўжалик техника воситалари, экспозиция залларида эса милоддан аввалги биринчи минг йилликнинг ўрталаридан XIII асрнинг бошларигача бўлган шаҳар тарихини ёритувчи экспонатлар ўрин олган. Ушбу экспонатлар орқали Самарқанднинг юқори даражадаги маданий, сиёсий, диний ва ишлаб чиқариш соҳасидаги ҳаёти очиб берилган, десак муболаға бўлмайд.

Музейда Самарқанднинг моддий маданиятини ёритувчи сопол, шиша, тош, металл, суяк, қорапластика ва мезморий нақшлардан иборат бой тўпламлар ҳам сақланади. Булар қарийб 20 мингдан ортиқ осори-атиқаларни ташкил қилади. Экспонатларнинг асосий қисми музейнинг 11 та залидан иборат экспозицияларда намойиш этилиб, қолган ёрдамчи материаллар музей фондларида сақлаб келинади. Биринчи қават экспозициясида Афросиёб шаҳарчаси тарихини ўрганиш тарихи, Сўғднинг миллоддан аввалги VIII-VII асрларда милодий VII-VIII асрларгача бўлган даврини акс эттирувчи экспонатлар жой олган. Музейнинг марказий залида Сўғд ҳукмдори саройидаги "Элчилар хонаси"нинг суратларини томоша қилиш мўмкин. Самарқанд шаҳарининг 2750 йиллик юбилеи муносабати билан музей имкониятлари янада кенгайиб, иккинчи қаватдаги экспозиция заллари тўлиқ ишга туширилди.

Бугунги кунда музейимизда археология, махсус сақлов ва нумизматика, этнография, ранг-тасвир, қўлёзмалар, фототека ва ҳужжатлар фондлари фаолият юритяпти, - дейди музей-қўриқхона директори Маҳмуд БОБОЁРОВА. — Археология фонди 47452 донга экспонатдан иборат бўлиб, 607 та коллекция асосида шаклланган. Фонд таркибиде бронза даврига оид нодир ва ноёб заргарлик буюмлари, коропастика ва ҳайкалчалар, қадимги ва ўрта аср сопол буюмлари, металл ва ойналар сақлаб келинмоқда. Махсус сақлаш ва нумизматика фондида 30 мингдан ортиқ коллекциялар, жумладан, нумизматика, глиптика, фалеристика, торевтика ва ўз таркибиде қимматбаҳо металллар мавжуд бўлган уй-рўзгор буюмлари бор. Биргина нумизматика тўплами 28 мингдан ортиқ тангадан иборат.

